



杜氏通典卷第十七

選舉五

雜議論中

大唐貞觀八年三月詔進士讀一部經史二十二年
九月考功員外郎王師旦知貢舉時冀州進士張昌
齡王公瑾並有後才聲振京邑而師旦考其文策黜之舉
朝不知所以及奏等第太宗恠無昌齡等名因召師
旦問之對曰此輩誠有詞華然其體輕薄文章浮艷
必不成令器臣若擢之恐後生相倣倣有變陛下風
雅帝以爲名言後並如其言其年馬周上書曰自古
郡守縣令皆妙選賢德欲有擢升必先試以臨人或

從二千石入為丞相今朝廷獨重內官縣令刺史頓
輕其選刺史多是武夫勲人或京官不能職方始外
出而折衝果毅之內身材強壯者先入為中郎將其
次始補州任邊遠之處用人更輕其才堪宰蒞以德
行見擢者十不能一所以百姓未安殆由於此高宗
顯慶初黃門侍郎劉祥道以選舉漸弊陳奏其一曰
吏部比來取人傷多且濫每年入流數過千四百人
是傷多未徵五年一千四百有三十餘人六年一不
簡雜色人即注官是傷濫雜色解文三備內外行署
雜掌伎術直司書千兵部品子兵部散官勲官經學
記室及功曹參軍檢校官屯副驛長校尉牧長經學
時務等比雜色人三分不居其一經明行脩之士猶

罕有正人多取胥徒之流豈可皆求德行即知天下
共釐百姓之務者善人少而惡人多為國以來四十
餘載尚未刑措豈不由此且官人非材者本因用人
之源濫濫源之所起復由入流人失於簡擇今行署
等勞滿唯曹司試州不簡善惡雷同注官但服膺先
王之道者奏第始付選趨走凡案之間者不簡便加
祿秩稽古之業雖信難成斗筲之材傷於易進其雜
色應入流人請令曹司試州訖簡為四等奏聞量有
兼有累行者為第一等身品強壯及第入上并兵部
所送人不居第一等及准例給送兵部者為第二等
餘量簡為第一等付吏部第二等付兵部第三等
三四等付主爵第四等寸司勲並准例處分其行署等私犯

通身卷十七
三
下第公坐天下雖經赦降情狀可責者亦量配三司
不經赦降者放還本貫冀入流不濫官皆得人非材
不取不至冗雜且今胥徒之輩知有銓選若復素非
廉謹必將漸自飾勵其二曰古之選者爲官擇人不
聞擇人多而官員少今之選者亦擇人但擇之無准
約官員有數入流無限以有數供無限人隨歲積豈
得不賸謹准約所須人量支年別入流數今内外文
武官一品以下九品以上一萬三千四百六十五員
畧舉大數當一萬四千人人之賦命自有脩促弱冠
而從官懸車而致仕五十年食祿者罕見其人壯室
而仕耳順而退亦取其中數不過支三十年此則一

萬四千八三十年而畧盡若年別入流者五百人經
三十年便得一萬五千人定須者一萬三千四百六
十五人足充所須之數况三十年之外在官者猶多
此便足有賸人不慮其少今年當入流者遂至一千
四百餘人應須五百數外常賸一倍以上又比來放
還者見停亦千餘人更復年別新加實非搜揚之法
其三曰雜色人請與明經進士通充入流之數以三
分之論每二分取明經進士一分取雜色人其四曰
儒爲教化之本學者之宗儒教不興風俗將替今庠
序徧於四海儒生溢於三學勸誘之方理實爲備而獎
進之道事或未周但未微以來于今八載在官者以

善政粗聞論事者以一言可採莫不光被綸旨超升
不次而儒生未聞恩及臣故以為獎進之道未周其
五曰國家富有四海于今已四十年百姓官寮未有
秀才之舉未知今人之不如昔將薦賢之道未至豈
使方稱多士遂缺斯人請六品以下爰及山谷特降
綸言更審搜訪仍量為條例稍加優獎不然赫赫之
神斯舉遂絕一代盛事實為朝廷惜之其六曰唐虞
三載考績三考黜陟幽明兩漢用人亦久居其職所
以因官命氏有倉庾之姓魏晉以來事無可紀今之
在任四考即遷官人知將秩滿豈無去就百姓見官
人遷代懷苟且以去就之人臨苟且百姓責其移風

易俗必無得理四考依選法之就任所加階至之考

滿然後聽選嶺南及瘴癘之所四考不得替者若計

例上以下考者四品考滿依舊中下還淳反朴雖未

敢期送故迎新實減其勞擾其七曰尚書省二十四

司及門下中書主事等比來選補皆取舊任流外有

刀筆之人欲參用經學時務之流皆以儔類為耻前

後相承遂成故事但禁省崇峻王言秘密尚書政本

人物攸歸而多用胥徒之人恐未盡銓衡之理請降

進士稍清其選奉勅付所司集群官詳議議者多難

於改作事竟不行三年七月上謂宰臣曰四海之廣

唯在得賢卿等用人多作形迹讓避親知不得盡意

甚爲不取昔祁奚舉子古人以爲美談即使卿等兒
姪有才亦須依例進奉乾封八年八月上例侍臣責
以不進賢良宰相李安期進曰臣聞聖帝明王莫非
勞於求賢逸於任使且十室之邑必有忠信況天下
之廣豈無英彥但比來公卿有所薦引卽遭置謗以
爲朋黨沉屈者未伸而在位者已損所以人思苟免
競爲緘默若陛下虛已招納務於搜訪不忌親讎唯
能是用讒毀不入誰不竭誠此皆事由陛下非臣等
所能致也上深然之三元元年劉曉上疏曰國家以
禮部爲考秀之門考文章於甲乙故天下響應驅馳
於才藝不務於德行夫德行者可以化人成俗才藝

者可以約法立名故有朝登科甲而夕陷刑辟削法
守度使之然也陛下焉得不改而張之至如日說萬
言何關理體文成七步未足化人昔子張學干祿仲
尼曰言寡尤行寡悔祿在其中矣又曰行有餘力則
以學文今舍其本而循其末况古之作文必諧風雅
今之末學不近典謨勞心於丹朱之間極筆於煙雲
之際以此成俗斯大謬也昔之採詩以觀風俗詠卷
耳則忠臣喜誦蓼莪而孝子悲溫良敦厚詩教也豈
主於淫文哉夫人之愛名如木之就下上有所好下
必甚焉陛下若以德行為先才藝爲末必敦德勵行
以佇甲科豐舒俊才沒而不齒陳寔長者拔而用之

則多士雷奔四方風動風動於下聖理於上豈有不變者歟武太后臨朝垂拱中納言魏文同以爲吏部選舉未盡得人之術上疏曰昔之列國今之郡縣士無常君人有定主自宋臣佐各選英賢大臣乃命於王朝耳秦并天下罷侯置守漢氏因之有公有革諸侯得自置吏四百石以下其傳相大官則漢爲置之州郡掾吏督郵從事悉任之於牧守爰自魏晉始歸吏部遞相因循以迄于今以刀筆求才以簿書察行法之弊久矣蓋君子重因循而憚改作有不得已者亦當運獨見之明定卓然之議如今選司所行者非上皇之令典乃近代之權道所宜遷革實爲至要何以言

之夫尺丈之量所及不末鍾度之器所積不多非其所及焉能度之非其所受何以容之况天下之太士人之衆而可委之數人之手乎假使平如權衡明如水鑑力有所極照有所窮絃綜既多紊失斯廣况比居此任時有非人而徇於勢利者哉使賍貨交易同乎市井加以厚貌深衷險如丘陵使百行九流折之於一而具僚庶品專斷於一司不亦難乎且前古以來亂多理少武德貞觀與今亦異皇運之初庶事草創豈唯日不暇給亦乃人物稀少天祚大聖享國永年比屋可封異人間出咸以爲有道耻賤得時無忌諸色入流年以千計群司列位無復新加官有賞員

人無定限選集之始霧積雲屯擢叙於終十不收一
淄澠混淆玉石不分用舍去留得失相半既即事爲
弊致後來滋甚夫夏殷以前制度多闕周監二代煥
乎可睹豈諸侯之臣不皆命於天子王朝庶官亦不
可專於一職故穆王以伯冏爲大僕正命之曰慎簡
乃僚無以巧言令色便僻側媚其唯吉士此則令其
自擇下吏之文也太僕正中大夫耳尚以僚屬委之
則三公九卿亦然矣周禮太宰內史並掌爵祿廢置
司徒司馬別掌興賢詔事當是分任於群司而統之
以數職各自求其小者而王命其大者也昔區區宋
朝尚爲裴子野所歎而况於當今乎及夫從政蒞官

不可以無學學古入心議事以制傳曰我聞學以從
政不聞以政入學今典員戚子弟例早求官或齟齬之
年已習銀艾或童卯之歲已襲朱紫弘文崇賢之生
千牛螯脚之徒課試既淺技能亦薄而門閥有素資
蔭自高夫象賢繼及古之道也所謂胄子必裁諸學
脩六禮以節其性明七教以興其德少則受業長而
出仕並由德進必以才昇然後可以利用賓王移家
事國少仕則廢學輕試則無才於其一流良足惜也
又勲守三衛流外之徒不待州縣之舉直取之於書
判恐非先德行而後言才之義也臣竊見制書每令
三品薦士下至九品亦令舉人此聖明側席旁求之

意也但以褒貶不甚明得失無大隔故人上不憂黜責下不盡搜揚苟以應命莫慎所舉且惟賢知賢聖人篤論伊臯既舉不仁咸遠復患階秩雖同人才異等身且濫進豈知人今欲務得實才兼宜擇其主流清以源潔影端由表正不詳舉主之行能而責舉人之庸濫不可得也武太后不納天授三年右補闕薛謙光以其時雖有學校之設禁防之制而風俗流弊皆背本而趨末矯飾行以請託奔馳為務上疏曰曰七國以來雖雜以縱橫而漢興求士猶徵百行是以禮讓之士砥才毓德既閭里推高然後為府寺所辟而魏氏取人好其放達晉宋之後祗重門資獎

為人求官之風乖授職惟賢之義梁陳之間特好詞賦故其俗以詩酒為重未嘗以脩身為務降及隋室餘風尚存開皇中李諤奏於文帝曰昔魏之三祖更好文詞忽君人大道好雕蟲小藝連編累牘盈箱積案獨有月露風雲之狀而已代俗以之相高朝廷以茲擢人故文筆日煩其政日亂帝納其言乃下制禁文筆之為浮詞者其年泗州刺史司馬幼之以表詞不質書罪於是風俗改勵政化大行及煬帝又變前法置進士等科故後生復相倣效皆以浮虛為貴有唐纂曆漸革前弊陛下君臨樹本崇化而今之舉人有乖事實鄉議決小人之筆行脩無長者之論策第

喧競於州府祈恩不勝於拜伏或明制適下試令搜
揚則驅馳府事請謁權貴陳詩奏記希咳唾之澤摩
頂至足冀提携之恩故俗號舉人為覓舉夫覓者自
求之稱非人知我之謂也察辭度材則人品可見矣
故選曹授職誼囂於禮闈州郡貢士爭訟於陞闈謗
議紛紜寢成風俗今夫舉人詢於鄉閭歸於里正而
已雖跡虧名教罪加刑典或冒籍竊貫邀勳盜級假
其賄賂即為無犯鄉閭設如才應經邦唯令試策武
能制敵只驗彎弧文擅清奇則登甲科藻或小減則
為不第以此收人恐乖由實何者樂廣假筆於安仁
靈運詞高於穆之平津之劣於長卿子建藻麗於荀

武若以射策為官則潘謝曹馬必居孫樂之右協贊
機猷則安仁靈運亦無裨附之益由此言之固不可
一槩而取也其武藝亦然故謀將不長於弓馬良相
寧資於射策伏願陛下降明制頒峻刑文則試以理
官武則令其守禦使澆名濫次之伍無所藏其庸謬
臣謹按吳起臨戰左右進劍吳子曰夫臨難決疑乃
將事也一劍之任非將事也又按諸葛亮臨戎不親
戎服屯蜀兵於渭南司馬宣王持劍勁卒不敢當此
豈弓矢之用乎又按楊得意誦長卿之文武帝曰恨
不得與此人同時及相如至終於文園令不以公卿
之位處之者蓋非其任故也又按漢法所舉之主終

身保任楊雄之坐田儀責其冒薦成子之居魏相酬
於得賢嘗謂之令行則請謁之心絕退讓之義者則
會競之路塞矣仍請寬立年限容其採訪簡汰堪用
者試令守以觀能否參檢行事以覈是非稱職者受
薦賢之賞濫舉者抵欺罔之罪自然舉得才行而君
子之道長矣聖曆三年二月武太后令宰相各舉尚
書郎一人狄仁傑獨薦男光嗣由是拜地官尚書郎
蒞事有聲太后謂仁傑曰祈奚內舉果得人也長安
二年武太后下求賢令狄仁傑曰荊州長史張柬之
其人雖老真宰相才也乃召爲洛州司馬他日又求
賢仁傑曰臣前言張柬之太后曰已選之矣對曰臣

薦之請爲相也今爲洛州司馬非用之又遷秋官寺
郎四年夏官尚書靈武大總管姚元之將赴鎮太后
令舉堪爲宰相者元之對曰秋官侍郎張柬之沈厚
有餘能斷大事且其人年老惟陛下急用之遂爲相
開元三年左拾遺張九齡上書曰夫元元之衆莫不
懸命於縣令宅生於刺史此其尤親於人者也是以
親人之任宜得賢才用人之道宜重其選而今刺史
縣令除京輔近處之州刺史猶擇其人縣令或備員
而已其餘江淮隴蜀三河諸處除大府之外稍非其才
但於京官之中出爲州縣者或是緣身有累在職無
聲用於牧守之間以爲斥逐之地因勢附會遂忝高

班比其勢衰亦爲刺史至於武夫流外積資而得官成於經久不計其才諸若此流盡爲刺史其餘縣令以下固不可勝言蓋此庶所繫國家之本務本之職反爲好進者所輕承弊之邑每爲非才者所擾而欲天下和洽固不可得也古者刺史入爲三公郎官出宰百里莫不互有所重勸其所行臣竊惟近俗偏輕此仕今朝廷卿士入而不出於其私情甚自得計何則京華之地衣冠所聚子弟之間身名所出從容附會不勞而成一出外藩有異於是人情進取豈忘之於私但法制之不敢違耳原其本意固私是欲今大利於京職而不在外郡如此則智能之士欲利之心

日夜營營安肯復出爲刺史縣令而國家之利方賴智能之人此輩既自固而不行在外者又技癢而求入如此則智能之輩常無親人之者今未有革之以法無乃甚不可乎故臣以爲欲理之本莫若刺史縣令此官誠重智能者可行正宜懸以科條定其資歷凡不歷都督刺史雖有高第不得入爲侍郎列卿不歷縣令雖有善政亦不得入爲臺郎給舍雖遠處都督刺史至於縣令遍次差降以爲出入亦不十年頻任京職又不得十年盡任外官如此設科以救其失則內外通理萬姓獲安如積習爲常遂其私計天下不可爲理也又古之選用賢良取其稱職或遙聞而

辟召或一見而任之是以士脩素行不圖僥倖今天
下未必理於上古而事務日倍於前誠爲不正其本
而設巧於末所謂末者吏部條章動盈千萬刀筆之
吏辨析毫釐節制搶攘溺於文墨胥徒之猾又緣隙
而起臣以爲始造簿書以備人之遺忘耳今反求精
於案牘不急於人才亦何異遺劍中流而刻舟以記
去之彌遠可爲傷心凡稱吏部之能者則曰從縣尉
與主簿從主簿與縣丞斯選曹執文而善知官次者
也唯據其合與不合而多不論賢與不肖大畧如此
豈不謬哉陛下若不以吏部尚書侍郎爲賢必不授
之以職事尚書侍郎旣以賢而授委豈復不能知人

之難人之難知雖自古所慎而拔十得五其道可行
今則執以格條貴於謹守幸其心能自覺者每選
所拔亦有三五人若又專固者則一人不拔據資配
職自以爲能爲官擇人初無此意故使時人有平配
之議官曹無得賢之實故臣以爲選部之弊在於不
變法變法甚易在陛下渙然行之假如今之銓衡欲
自爲意亦限行之以久動必見疑遂用因循益爲浮
薄今若刺史縣令精覈其人即每年當管之內應有
合選之色且先委曲考其才行堪入品流然後送臺
臺又推擇據所用之多少爲州縣之殿最一則州縣
慎於所舉必取入官之才二則吏部因其有成無多

庸人干冒縱有不任選者謬起怨端且猶分謗於外
臺不至誼譁於南省今則每歲選者動以萬計京師
米物爲之空虛豈多士若斯蓋滯濫至此而欲仍舊
致理難於改制祇益法令煩碎賢愚混雜就中以一
詩一判定其是非適使賢人君子從此遺逸斯亦明
代之闕政有識之所歎息也又天下雖廣朝廷雖衆
而士之名賢誠可知也若使毀稱相亂聽受不明事
將已矣無復可說如知其賢能各有品第每一官缺
而不次用之則是知而不爲焉用彼相借如諸司清
要之職當用第一之人及其要官闕時或以下等
進以故時議無高無下唯論得與不得自然清議

立名節不脩善士則守志而俟時中人則躁求而易
操其故何哉朝廷若以令名進人士子亦以脩身獲
利而利之所出衆則趨焉也而名利不出於清脩所
趨多歸於久事其小者苟求取得一變而至於阿私
其大者許以分羊我再變而成朋黨斯並教化漸漬使
之必然故於用之際不可不第其高下若高下有次
不可謬干夫士必刻意脩飾思齊日衆刑政自清此
皆興衰之大端安可不察也十七年三月國子監祭
酒楊湯上言伏聞承前之例每年應舉常有千數及
第兩監不過三二十餘人臣恐三千舉徒虛費官廩
兩監博士濫糜天祿臣竊見入仕諸色出身每歲向

二千餘人方於明經進士多十餘倍自然服勤道業之士不及昏吏以其効官豈識先王之禮義陛下設學敷務以勸進之有司爲限約務以黜退之臣之微誠實所未曉今監司課試十已退其八九考功及第十又不收一二長以此爲限恐儒風漸墜小道駸興若以出身人多應須諸色都減豈在獨抑明經進士也上然之左監門衛錄事參軍劉秩論曰王者官人必視國之要杜諸戶一其門安平則尊經術之士有難則貴介冑之臣夏殷周選士必於庠序非其道者莫得仕進是以誘人也無二其應之者亦一及周之末諸侯異政取人多方故商鞅患之說秦老公曰利

出一孔者王利出二孔者強利出三孔者弱於是下令非戰非農不得爵位秦卒以是能并吞六國漢室干戈以定禍亂貴尚淳質高后舉孝悌力田文景守而不變故下有常業而朝稱多士及孝武察孝廉置五經博士弟子雖門開三三而未失道德也逮至晚歲務立功名銳意四夷故權譎之謀設荆楚之士進軍旅相繼官卑不足是以聚斂計科之政生設險興利之臣起番係嚴能寵等經淮作渠以通漕運以東郭偃孔僅建鹽鐵諸利策富者冒爵射官免刑除罪公用彌多而請官者循私上下並求百姓不堪利弊故巧法慘急之臣進而見知廢格之法作杜周臧宣

之屬以峻文決理貴而王溫舒之徒以鷹擊敢殺彰而法先王之術習俎豆之容者無所任用由是精通秀穎之士不遊於學遊於學者率章句之儒也是以昭帝之時霍光問人疾苦不本之於太常諸生徵天下賢良文學以訪之是常道不足以取人也至於東漢光武好學不能施之於政乃躬自講經肅宗以後時或祖效尊重儒術不達其意而酌其文三公尚書雖用經術之士而不行經術之道是以元成以降迄于東漢光武慷慨通方之士寡廉隅立節之徒衆無何漢氏失馭曹魏僭竊中正取士權歸著姓雖可以鎮伏眈庶非尚賢之術蓋尊尊之道于時聖人不出

賢者無位詩道大作怨曠之端也洎乎晉宋齊梁遞相祖習其風彌盛舍學問尚文章小仁義大放誕談莊周老聃之說誦楚詞文選之言六經九流時曾閱目百家三史罕聞於耳撮群抄以爲學總衆詩以爲資謂善賦者廟廟之人雕蟲者台鼎之器下以此自負上以此選才上下相蒙持此爲業雖名重於當時而不達于從政故曰取人之道可以敦化周書曰以言取人人謁其言以行取人人謁其行取人之道不可不慎也原夫詩賦之義所以達下情所以諷君上上下下情通而天下亂者未之有也近之作者先文後理詞冶不雅既不關於諷刺更不足以見情蓋失其

本又何為乎隋氏罷中正舉選不本鄉曲故里間無
 豪族并邑無衣冠人不士著萃處京畿士不飾行人
 弱而愚夫古者以勲賞功以才蒞職以才蒞職是以
 職與人宜近則以職賞功是以官與人乖古者計人
 而貢士計吏而用人故士無不官官無乏吏近則官
 倍於古士十於官求官者又十於士故士無官後魏
 軍功是也官之祿吏擾人古者王畿千里千里之外
 封建諸侯諸侯之吏自卿以降各自舉任當乎漢室
 餘保傅將相餘盡專之州縣佐使則皆牧守遷辟夫
 公卿者主相之所任也甸外之官吏者又諸侯牧守
 之事也然則主司之所遷者獨甸內之吏公卿府之

屬耳豈不寡哉所遷既寡則焉得不精近則有封建
 而無國邑五服之內故決王朝一命凡拜必歸吏部
 按名授職猶不能遺何暇採訪賢良搜覈能行者特
 皆共唾其失而不知失之所以故備詳之又曰夫官
 有大小材有短長長者任之以大官短者任之以小
 職職與人相宜而功於事並理是以孟公綽為趙魏
 老則優不可以為滕薛大夫近之任官其遷之也略
 其使之也備一人之身職無不莅若委游夏以政事
 責冉季以文學也何其謬歟故人失其長官失其理
 是以三代之制而家有代業國有代官孔子曰醫不
 三世不服其藥史墨曰古之為官代守其業朝夕思

之一朝夫業死則及焉是知業不代習則其事不精
此周之所以得人也昔羲氏和氏掌天地劉氏代擾
龍籍氏代司人庾氏庫氏代司出納制氏代司鑄鍾
卽其事也至後代以代卿執柄益私門卑公室齊奪
於田氏曾弱於三桓革代卿之失而不復代業之制
醫工筮數其道浸微蓋爲此也故老子曰聖人常善
救人故無棄人常善救物故無棄物不善用人者譬
若使驥捕鼠今鷹守肉驥之捕鼠而終不可獲而千
里之功廢矣鷹之守肉死有餘罪而攫撮之効沒矣
夫裁徑尺之帛刻方寸之木不任左右必求良工者
裁帛刻木非左右之所能故也徑尺之帛方寸之木

薄物也非良工不能裁之况帝王之佐經國之任可

不審擇其人乎

文甫

大夏者先擇木然後揀材理國

家者先擇佐然後守人大匠構屋必以大材爲棟樑

小材爲椽桷苟有所中尺寸之木無棄此善理木者

也洋州刺史趙匡舉選議曰昔三代建侯與今事異

理道損益請自漢言之漢初用人自詔舉之外其府

寺郡國屬吏皆令自署故天下之士脩身於家而辟

書交至以此士務名節風俗用脩魏氏立九品之制

中正司之於是族大者第高而寒門之秀屈矣國朝

舉選用隋氏之制歲月既久其法益訛夫才智因習

就固然之理進士者時共貴之主司褒貶實在詩賦

務求巧麗以此爲賢不唯無益於用實亦妨其正習
不唯撓其淳和實又長其佻薄自非議度超然時或
孤秀其餘溺於所習悉昧本源欲以啓導性靈獎成
後進斯亦難矣故士林鮮體國之論其弊一也又人
之心智蓋有涯分而九流七畧書籍無窮主司徵問
不工程限故脩習之時但務抄畧比及就試偶中是
業無所成固由於此故當代寡人師之學其弊二
疏以釋經蓋筌蹄耳明經讀書勤苦以甚既口問
不誦疏文徒竭其精華習不急之業而當代禮法
無不面牆及臨人決事取辨胥吏之口而已所謂所
習非所用所用非所習者也故當官少稱職之吏其

弊三也舉人大率二十人中方收一人故沒齒而不
登科者甚衆其事難甘路隘也如此而雜色之流廣
通其路也此一彼十此百彼千揆其秩序無所差降
故受官多底下之人脩業抱後時之歎待不才者何
厚處有能者何薄崇末抑本啓昏窒明故士子舍學
業而趨末伎其弊四也收人既少則爭第急切交馳
公卿以求汲引毀譽同類用以爭先故業因儒推行
成險薄非受性如此勢使然也浸以成俗虧損國風
其弊五也太抵舉選人以秋初就路春末方歸休息
未定聚糧未辨則又及秋事業不得脩習益令藝能
淺薄其弊六也羈旅往來糜費實甚非唯妨闕生業

蓋亦墮其舊產未及數舉索然已空其弊七也貧窶之士在遠方欲力赴京師而所冀無際以此揆度遂至沒身使茲人有抱屈之恨國家有遺才之闕其弊八也官司運江淮之儲計五費其四乃達京邑芻薪之貴又十倍四方而舉選之人每年攢會計其人畜蓋將數萬無成而歸十乃七八徒令國中煩耗其弊九也爲官擇人唯才是待今選司並格之以年數合格者判雖下劣一切皆收如未合格而應科目者纔有小瑕莫不見棄故無能之士祿以例臻才俊之流坐成白首此非古人求賢審官之義亦已明矣其弊十也選人不約本州所試悉聚於京師人旣浩穰

文簿繁雜因此俞濫其事百端故俗間相傳云八試非正身十有三四赴官非正身十有二三此又弊之尤者今若未能頻除舉選以從古制且稍變易以息弊源則官多往吏風俗可變其條例如後

舉人條例

一立身入仕莫先於禮尚書明王道論語詮百行孝經德之本學者所宜先習其明經通此兩經舉論語孝經爲之翼助諸試帖一切請停唯今策試義及口問其策試自改問特務以來經業之人解能屬綴以此少能通者所司知其若此亦不於此取人故特人云明經問策禮試而已所謂變實爲虛無益於政今請

今其精習試策問經義及時務各五節並以通四以上為第但令直書事義解釋分明不用空寫疏文及務華飾其十節總於一道之內問之餘科准此其口問諸書每卷問一節取其心中了悟解釋分明往來問答無所滯礙不用要令誦疏亦以十分通八以上為策諸科亦准此外更通周易毛詩名四經舉加左氏春秋為五經舉不習左氏者任以公羊穀梁代之其但習禮記及論語孝經一經舉既立差等隨等授官則能否區分人知勸勉

一明法舉亦請不帖但策問義并口問在經業科

一學春秋者能斷六事其有兼習三傳參其異同商

確此擬得其長者謂之春秋舉策問經并口問並准前

一進士習業亦請令習禮記尚書論語孝經并一史其雜文請試兩首共五百字以上六百字以下試箋表議論銘頌箴檄等有資於用者不試詩賦其理通其詞雅為上理通詞平為次餘為否其所試策於所習經史內徵問經問聖人旨趣史問成敗得失并時務共十節貴觀理識不用徵求隱僻語以名數為無益之能言詞不至鄙陋即為第

一其有通禮記尚書論語孝經之外更通道德諸經通玄經孟子荀卿子呂氏春秋管子墨子韓子謂

茂才舉達觀之士既知經學兼有諸子之學取其
所長捨其偏滯則於理道無不該矣試策徵問諸
書義理并時務共二十節仍與之言論觀其通塞
一其有學兼經史達於政體策畧深正其詞典雅者
謂之秀才舉經通史經或三禮或三家春秋兼通
三史以上卽當其目其試策經問聖人旨趣史問
成敗得失并時務共二十節仍與之談論以究其
能

一學倍秀才而詞策同之談論貫通究識成敗謂之
宏才舉以前三科其策當詞高理備不可同於進
士其所徵問每十節通八以上爲第

一其史書史記爲一史漢書爲一史後漢書并劉昭
所注志爲一史三國志爲一史晉書爲一史李延
壽南史爲一史北史爲一史習南史者兼通宋齊
志習北史者通魏隋書志自宋以後史書煩碎
冗長請但問政事成敗所因及其人物損益關於
當代者其餘一切不問國朝自高祖以下及睿宗
實錄并貞觀政要共爲一史

一天文律曆自有所司專習且非學者卒能尋究並
請不問唯五經所論蓋舉其大體不可不知
一每年天下舉人來秋入貢者今年九月州府依前
科目先起試其文策通者注策等訖試官本司官

錄事參軍及長史連押其後其口問者題策後云
口問通若干卽相連印縫並依寫解爲先後不得
參差封題訖十月中旬送觀察使觀察使差人送
省司隨遠近比類須合程限省司重考定訖其入
第者二月內符下諸道諸州追之退九月內盡到
到卽重試之其文策皆勘會書跡調理與州試同
卽收之僞者送法司推問其國子監舉人亦准前例
一諸色身名都不涉學昧於廉耻何以居官其簡試
之時雖云試經及判其事苟且與不試同諸皆令
習學孝經論語其孝經口問五道論語口問十道
須問答精熟知其義理並須通八以上如先習諸

經書者任隨所習試之不須更試孝經論語其判
間以時事取其理通必在責其重保以絕替代其
合外州申解者依舉選例處分

一一經及第入選日請授中縣尉之類兩經出身授
上縣尉之類判入第三等及蔭高授上縣尉之類
用蔭止於此其以上當以才進四經出身授繁縣
尉之類判入第三等授望縣尉之類五經授望縣
尉之類判入第二等授畿縣尉之類明法出身與
兩經同資進士及三禮春秋舉與四經同資其茂
才秀才請授畿尉之類其宏才請送詞策上中書
門下請授諫官史官等禮經舉人若更通諸家禮

論及漢已來禮儀沿革者請便授太常博士茂才等三科爲學既優並准五經舉人便授官其雜色出身人量書判授中縣尉之類判送入第三等及蔭高者加一等凡蔭除解褐官外不在用限

一其今舉人所習既從簡易士子趨學必當數倍往時每年諸色舉人主司簡擇常以五百人爲大限此外任收雜色

選人條例

一其前資官及新出身並請不限選數任集庶有才不滯官得其人

一不習經史無以立身不習法理無以効職舉人出

身以後當宜習法其判問請皆問以時事疑獄令約律文斷決其有既依律文又約經義文理弘雅超然出群爲第一等其斷以法理參以經史無所虧失粲然可觀爲第二等判斷依法頗有文彩爲第三等頗約法式直書可否言雖不文其理無失爲第四等此外不收但如曹判及書題如此則可不得拘以聲勢文律翻失其真故合於理者數句亦收乖於理者詞多亦捨其倩人暗判人問謂之判羅此最無耻請榜示以懲之

一其授試官及員外等若悉不許選恐抱才者負屈若並令集則僥倖者頗多當酌事宜取其折中請

令所在審加勸責但無渝濫並准出身人例試判
送省授官日其九品八品官請司黃衣選人例授
官七品六品依前資解褐官例五品四品依前資
第二政官例其官好惡約之工拙也
一舊法四品五品官不復試判者以其歷任既久經
試固多且官班已崇人所知識不復爲僞濫耳自
有兵難仕進多門僥倖超擢不同往日並請試判
待三五年舉選路清然後任依舊法其曾登科及
有清白狀并曾在臺省官并諸司長官判史者已
經選擇並不試依常例處分

一母年天下來外選人今秋九月依舉人召集審勸

則絕其姦濫試時長吏親自監臨皆分相遠絕其
口授及替代其第四等以上封送省皆依舉人例
處置吏部計天下闕員訖即重考天下所送判審
定等第訖從上等據本色人數收人具名下本道
觀察使追之限十月內到並重試之訖取州試判
類其書蹤及文體有僞濫者准法處分其合留者
依科目資緒隨穩便注擬

一其兩都選人不比外州請令省司自試隔年先試
一同外州東都選人判亦將就上都考定等第無
疑會人數明年依例追集重試之還以去秋所試
驗其書蹤及詞理則隔年計會替代事亦難爲

兵興以來去人多去鄉土旣因避難所在寄居必
欲網羅才能隔年先試令歸本貫爲弊更深其諸
邑舉選人並請准所在寄莊住處投狀請試舉人
旣不慮僞濫其選人但數會符告并責重保知非
僞濫卽准例處分

一宏詞拔萃以甄逸才進士明經以長學業並請依
常例年其平選判入第二等亦任超資授官

一諸以陰緒優勞准勅授官者如判劣惡者請授員
外官待稍習法理試判合留卽依資授正員官

一諸令授正員官八年未滿三十者請授無職事京
官及外州府參軍不得授職事官後論有司或詰

方議者曰史曹所銓者四謂身言書判今外州送
判則身言闕矣如何對曰夫身言者豈非洪範貌
言乎貌謂舉措可觀言謂詞說合理此皆才幹之
匹方能及此今所試之判不求浮華但令直書是
非以觀理識於此旣蔽則無貌言斷可知矣書者
非理人之具但字體不至乖越卽爲知書判者斷
決百事真爲吏所切故觀其判則才可知矣比身
言及書豈可同爲銓序哉有司復詰曰王者之盛
莫逾堯舜書稱敷納以言爲求才之通軌今以言
爲後亦有說乎對曰敷納以言者謂引用賢良升
於達位方將詢以庶政非言無以知之其唐虞百

言咨俞無幾其下小吏官長自求各行敷納事至
簡易今吏曹所習輒數千人三銓藻鑑心目難溥
謂喧競之不暇又何敷納之有乎其茂才以上學
業既優可以言政教接以談論近於敷納矣有司
復曰士有言行不差而闕於文學或頗有文學而
言行未脩但以諸科取之無乃未備對曰吏曹所
銓必求言行得之既審然後授官則外州選試未
為通矣今銓衡之下姦濫所萃紛爭劇於獄訟偽
濫深於市井法固至此無如之何豈若外州先試
兼察其行苟居宅所在則隣伍知之官司耳目易
為未聽古之鄉舉里選方斯近矣且今之新法以

學舉者一經畢收以判選者直書可否可謂易矣
脩言行者心當敦固不能為此餘何足觀若有志
性過人足存激勸及躬為惡行不當舉用者則典
章已備但舉而行之耳故無云焉有司復曰其有
効官公清且有能政以其短於詞判不見褒陞無
乃闕於事實乎對曰苟能如此最為公器使司善
狀國有常規病在不行耳但今諸道觀察使每年
終必有褒貶不得脩濫則善不蔽矣問曰試帖經
者求之精熟今廢之有向理乎對曰夫人之為學
帖易於誦誦易於講今口問之令有講釋若不精
熟如何應對此舉其難者何用帖為且務於帖則

於義不專非演智之術固已明矣夫帖者童稚之事今方授之以職而待以童稚於理非宜有司復曰舊法口問並取通六今令通八無乃非就易之義乎荅曰所習者少當務其精止於通六失在鹵莽是以然耳復曰舉人試策例皆五通今併爲一有何理對曰夫事尚實則有功徇虛則益寡試策五通多書問目數立頭尾徇虛多矣豈如一策之內併問之乎

杜氏通典卷第十七

杜氏通典卷第十八

選舉六

雜議論下

禮部員外郎沈既濟議曰計近代以來爵祿失之者久矣其失非他在四太而一何者入仕之門太多代胄之家大優祿利之資太厚督責之令太薄請徵古制以明之管子曰夫利出一孔者其國無敵出二孔者其兵不誦出三孔者不可以舉兵出四孔者其國必亡先王知其然故塞人之養隘其利途使人無游事而一其業也而近代以來祿利所出數十百孔故人多岐心疏瀉漏失而不可轄也夫入仕者多則農工

益少農工少則物不足物不足則國貧是以言入仕
之門太多禮曰天子之元子士也天下無生而貴者
則雖儲貳之尊與仕伍同故漢王良以大司徒免歸
蘭陵後光武巡幸始復其子孫邑中徭役丞相之子
不得蠲戶課而近代以來九品之家皆不征其高蔭
子弟重承恩獎皆端居役物坐食百姓其何以堪之
是以言代冑之家太優先生制士所以理物也置祿
所以代耕也農工商有經營作役之勞而士有勤人
致理之憂雖風馱道義仕伍爲貴其苦樂利害與農
工商等不甚相遠也後代之士乃撞鐘鼓樹臺榭以
極其勸而農工鞭脊背役筋力以奉其養得仕者如

昇仙不仕者如洗泉歡娛憂苦若天地之相遠也夫
上之奉養也厚則下之徵斂也重養厚則上覲其欲
斂重則下無其聊故非類之人或沒死以趣上構姦
以入官非唯求利亦以避害也是以言祿利之資太
厚語曰陳力就列不能者止昔李膺周舉爲刺史守
令畏憚覩風投印綬者四十餘城夫豈不懷祿而安
榮哉故法之不可偷也自隋變選法則雖甚愚之人
蠕蠕然第能乘一勞結一課獲入選叙則循資授職
族行之官隨列拜揖藏俸積祿四周而罷因緣侵漁
抑復有焉其罷之日必妻孥華楚僕馬肥腩而偃仰
乎士林之間及限又選終而復始非爲巨害至死不

出故里語謂人之爲官若死然未有不子而倒還者
爲官如此易享祿如此厚上法如此寬下斂如此重
則人孰不違其害以就其利者乎是以言督責之令
太薄旣濟以爲當輕其祿利重其督責使不才之人
雖虛設座位置印綬于旁揖讓而進授之不敢受寬
其征徭其田里使農商百工各樂其業雖以官誘
之而莫止且易如此則窺求之志不禁而息多仕之門
不扃而閉若上不急其令下不寬其徭而欲以法術
遮列禁人奸冒此猶壅土以壅橫流也勢必不止夫
古今選舉之法九流常叙有三科而已曰德也才也
勞也而今選舉皆不及焉何以言之且吏部之本存

乎甲令雖曰度德居官量才授職計勞異秩其文具
矣然考校之法皆在書判簿曆言詞俯仰之間侍郎
非通神不可得而知之則安行徐言非德也麗藻芳
翰非才也累資積考非勞也苟執此不失猶乖得人
况衆流茫茫耳目有不足者乎蓋非鑒之不明非擇
之不精法使然也先朝數人以下言之詳矣是以文
皇帝病其失而將革焉夫物盈則虧法久終弊雖文
武之道亦與時弛張五帝三王之所不相沿也是以
王者觀變以制法察時而立政按前代選用皆州府
察舉及年代久遠訛失滋深至于齊隋不勝其弊凡
所置署多出請託故當時議者以爲與其率私不若

自舉與其外濫不若內收是以罷州府之權而歸於
吏部此矯時懲弊之權法非經國不刊之常典今吏
部之法廢矣復宜掃而更之無容循默坐守利弊伏
以爲當今選舉人求上著不必本於鄉閭鑒不獨明
不可專於吏部謹按詳度古制折量今宜謂五品以
上及羣司長官俾宰臣進叙吏部兵部得參議焉其
六品以下或僚佐之屬許州府辟用則銓擇之任悉
委於四方結奏之成咸歸於二部必先擇牧守然後
授其權高者先署而後聞卑者聽拔而不命其牧守
將帥或選用非公則吏部兵部得察而舉之聖主明
目達聰逖聽懸視罪其私冒不慎舉者小加譴黜大

正刑典責成授任誰敢不勉夫如是則接名僞命之
徒非才薄行之人貪叨賄貨懦弱姦宄下詔之日隨
聲而廢通計大數十除八九則人小而員寬事詳而
官審賢者不獎而自進不肖者不抑而自退除隋權
道復古美制則衆才咸得而天下幸甚或曰當開元
天寶中不易吏部之法而天下砥平何必外辟方臻
于理既濟以爲不然夫選舉者經邦之一端雖制之
有美惡而行之由法令是以州郡察舉在兩漢則理
在魏齊則亂吏部選集在神龍則紊在開元天寶則
理當其時久承升平御以法術慶賞不軼威刑必齊
由是而理匪闕吏部而臻此也向以此時用辟召之

法則其理不益久乎夫議事以制不以權當徵其本
末計其遐邇豈時得時失之可言耶或曰帝王之都
必浩穰輻輳士物繁合然後稱若其大權散郡國遠
人不至則京邑索矣如之何又甚不然自古至隋數
百千年選舉之任皆分郡國當漢文景武帝之時京
師庶富百鄠九市行不得顧車不得旋侈溢之盛亦云
極矣豈待選舉之士爲其助哉又夫人有定土土無
曠人浮冗者多則地著者少自隋罷外選招天下之
人聚於京師春還秋往鳥聚雲合窮關中地力之產
奉四方游食之資是以筋力盡於漕運新粒方於桂
玉是由斯人索我京邑而謂誰索乎且權分州郡所

在辟舉則四方之人無若自邀心也地居尊業而祿自及
祿苟未及業常不廢若仕進外絕要攢乎京惜時懷
祿孰肯安堵必鬻南田產竭家膏糧糜費道路交馳往
復是驅地著而安爲浮冗者也夫京師之冗孰與四
方之實一都之繁孰與萬國之殷况王者當繫其天
下豈鄠閭之中校其衆寡哉或曰仕門久開入者已
衆若革其法則舊名常調不足以致身使中才之人
進無所容退無所習其將安歸乎既濟以爲人繫賢
愚業隨崇替管庫之賢既可以入仕則士之不肖寧
愧乎出流從古以然非一代也故傳云三后之姓於
今爲庶今士流既廣不可強廢但鍵其舊門不使新

入峻其宦途不使濫登十數年間新者不來而舊者
耗矣待其人少然後省官夫人之才分各有餘裕自
爲情欲所泊而峻嘗盡焉引之則長縈之則短在勉
而已故凡士族皆稟父兄之訓根聰明之性蓋以依
倚官緒無湮淪墊溺之虞故循常不脩名義罕立此
教使然也若唯善是舉人不才決棄前見爵祿後臨
塗泥人懷憤激孰不騰進則中品之人悉爲長材雖
曰慎選捨之何適

選舉雜議凡十條

一或曰按國家甲令凡貢舉人本求才德不選文詞
故律曰諸貢舉人非其人者徒注云謂德行乖僻者

也居州郡則廉使昇聞在朝廷則以時黜陟用茲徵心
勸足爲致理有司循不脩厥職浸以訛謬使其陵頽
今但脩舊令舉舊政則人服矣焉用改作答曰州郡
以德行貢士禮闈以文詞揀才試官以帖問求學銓
曹以書判擇吏俱存甲令何令宜脩且惟德無形惟
才不器搏之弗得聆之弗聞非在所知焉能辨用今
禮部吏部一以文詞貫之則人斯遠矣使臣廉舉但
得其善惡之尤者耳每道累歲罕獲一人至如循常
諄諄出駭愚鄙者或身甚廉謹政爲人敵者或善爲
姦濫祕不彰聞者一州數十人曷嘗聞焉若銓不委
外任不責成不潔其源以導其流而以文字選士循

資授職雖口誦律令手操斧鉞以臨其人無益也非改之不可

二或曰昔後漢貢士諸生試經學文史牋奏則舉人試文乃前王典故而子獨非於今何也答曰漢代所貢乃王官耳凡漢郡國每歲貢士皆拜爲郎分居三署儲才待詔無有常職故初至必試其藝業而觀其能否至於郡國僚吏皆府主所署檄召用至而授職何嘗賓貢亦不試練其選州郡邑一掾一尉或津官戍吏皆登銓上省受試而去者自隋而然非舊典也

三或曰若使外州辟召必是牧守親故或權勢囑託或旁隣交質多非實才柰其濫何答曰誠有之也然其濫孰與吏部多請較其優劣且州郡牧守古稱共理政能有美惡之跡法令有殿最之科分憂責成誰敢濫舉設如年多人息法久弊生天網恢疎容其奸謬舉親舉舊有囑有情十分其人五極其濫猶有一半尚全公道如吏部者十無一焉請試言之凡在銓衡唯徵書判至於補授祗校官資善書判者何必更能美資歷者寧妨會彙假使官資盡愜刀筆皆精此爲吏曹至公之選則補授之際官材匪詳或性善緝人則職當主辦或才堪理劇則官授散員或時有相當亦幸中耳非吏曹素得而知也有文無賴者計日

可升有用無文者終身不進况其書判多是假手或他人替入或旁坐代爲或臨事解衣或宿期定估才優者一兼四五自製者十不二三况造僞作姦冒名接脚又在其外令史受賂雖積謬而誰不選人無資雖正名而猶剝又聞昔時公卿子弟親戚隨位高低各有分數或得一人二人三人四人不在於限者禮部明經等亦然少謂之省例斯非濫歟若等爲濫此百而多者也

四或曰吏部有濫止由一門州郡有濫其門多矣若等爲濫豈若杜衆門而歸一門乎荅曰州郡有濫雖多門易改也吏部有濫雖一門不可改也何者凡今

選法皆擇才於吏部述職於州郡若才職不稱紊亂無任責於刺史則曰官命出於吏曹不敢廢也責於侍郎則曰量書判資考可而授之不保其往也責於令史則曰按由歷出入而行之不知其他也黎庶受弊誰任其咎若牧守自用則罪將焉逃必州郡之濫獨換一刺史則革矣如吏部之濫雖更其侍郎無益也蓋九流浩浩不可得知法使之然非正司之過故云門雖多而易改門雖一而不可改者以此

五或曰今人多情故長恐計其選吏必綱紀紊失不如今已之有倫也荅曰不假古義請徵目前以明之今諸道節度都團練觀察租庸等使自判官副將以

下皆使自銓擇縱其間或有情故大舉其例十猶七
全則辟吏之法見行於今但未及於州縣耳利害之
理較然可觀何紀之失何綱之紊向令諸使僚佐書
授於選曹則安獲鎮方隅之重理財賦之殷也

六或曰頃年常見州縣有攝官皆是牧守所自署置
正多苟且不議久長纔始到官已營生計迎新送故
勞弊極矣今令州郡召辟則其弊亦爾柰何答曰國
家職員皆稟朝命攝官承乏苟濟一時不日不月事
必停省人雖流而責不及績雖著而官不成便身而
行不苟何待若職無移奪命自州郡所攝之官便爲
已任上酬知己下利班榮爭竭智力人誰不盡今常

調之人遠授一職已數千里赴集又數千里之官挈
携妻孥復往勞苦必一周而在路料間歲而停官成
名非知己之思後任可計考而得此之不苟而誰爲
苟

七或曰今四方諸侯或有未朝覲者若天下士人既
無常調久不得祿人皆嗟怨必相率去我入於他境
則如之何答曰善哉問乎夫辟舉法行則搜羅畢盡
自中人以上皆有位矣此祿之不及者皆下劣無任
之人復何足惜當今天下凋弊之本實爲士人太多
何者凡士人之家皆不耕而食不織而衣使下奉上
不足故也大率一家有養而百口者有養而十口者

多少通計一家不減二十人萬家約有二十萬口今
有才者既為我用愚劣者盡歸他人有萬家歸之內
則二十萬人隨之食其黍粟衣其縑帛享其祿廩役
其人庶我收其賢彼得其愚我減浮食之口二十萬
彼加浮食之人二十萬則我弊益減而彼人益困自
古興邦制敵之術莫出於是唯懼去我之不速也夫
何患焉

請改革選舉事條

內外文武官五品以上應非選司注擬者右請宰相總其進叙吏部兵
部得參議可否○吏部尚書侍郎右請掌議文官五品以上除拜
六品以下攢奏兼察舉選用之不公者諸京司長官及觀察使判
史舉川僚佐有才職不稱

皆公任私者得察舉彈奏非選用濫失不得舉凡有所察郎中令史員外郎
判成侍尚書署之而後行諸官長若犯他過使司自
當彈奏即非吏部所察故
云非選用濫
失不得舉餘所掌准舊若官長選用濫失有聞而
吏部不舉請委御史臺彈之御史臺不舉即左右彈
之按六典御史有糾不當
者即左右丞得彈奏○兵部尚書侍郎右請掌議
武官五品以上除拜六品以下攢奏兼察舉選用之
不公者諸軍衛長官及節度都
團練使舉用將校才
職不稱背公任私者得
察舉彈奏非選用濫
失不得舉凡有所察舉及臺省糾彈如吏部之法餘所掌
准舊禮部每年貢舉人右並請停廢有別項經藝之
士請於國子監六學中銓擇國子學大舉學四門
學律學書學算學兵
部舉選右請停廢昔隋置折衝府分鎮天下所以散
兵及武太后昇平置武舉恐人之

折戰則武官武選本末可徵今內外邦畿皆有師旅
偏裨將校所在至多誠宜設法減除豈復張門誘
入况若此輩又非驍雄徒稱武官不足守禦雖習弓
矢不堪戰鬪而坐享祿俸規逃征徭今請悉停以絕
姦京官六品以下注應合選司右請各委本司長官自

選用初補稱攝然後申吏部兵部吏部兵部奏成乃
下勅牒拜符告於本司是為正官考從奏成日計凡

攝官俸祿各給半府州佐官別駕小尹五府司馬
初令皆不在此例右

自長史以下至縣丞縣尉諸州長史司馬或雖是五
品以下官亦同六品官法

請各委州府長官自選用不限土客其申報正攝之

制與京官六品以下同其邊遠羈縻等州請兼委本

道觀察使共銓擇補授上州省事市令中州參軍博

士下州判司錄事參軍
不在此例中下縣丞以下及關津鎮戍

官等右請本任刺史補授訖申吏部兵部吏部兵部

給牒然後成官並不用聞奏其員數不得踰舊制雖

吏部未報並全給俸祿若承省牒在任與正同去任

不得稱其官職若州司以勞効未著而不申者請不

限年月並聽之州縣右請准舊令州為三等上中縣
下

為五等赤畿上
中下其餘緊望雄輔之名請廢夫等級繁多則仕進
淹滯使其周歷即務速遷官非久安政亦苟且六品

請減衆級以徵僥心則官僚可用群才無雜以下官資歷右並請以五周為滿唐虞遷官必以九
載魏晉以後皆經

六周國家因隋為四近又咸削為三考今三
四則太少六九則太多請限五周庶為折中其遷轉

資歷請約脩舊制脩舊制謂遷轉資次也但以一
制官秩滿即任召用並無選數若

才行理績有尤異者請聽超遷每長官代選其舊僚

才

屬若有負犯及不稱職者請任便替若無負犯皆待
考滿未滿者不得替諸道使管內之人及州縣官屬
有政理尤異識略宏通行業精脩藝能超絕及懷才
未達隱德丘園或堪克內官不稱州縣者並申送將
校偏裨有兵謀武藝或堪充宿衛或可為統帥者右
請不限多少各令長官具才述行謀略舉送朝廷皆
申上吏部兵部各設官署以處之審量才能銓第高
下每官職有缺及別項任使則隨才擢用如美光祿
勳領三署
即稱舉者舉主加階進爵得賢後者遷其官若自用
寮屬雖
得賢
不賞

禁約雜條

一諸使及諸司州府長官舉用僚屬請明書事跡德
行才能請授某官某職皆先申吏部兵部若諸使奏
官兼帶職
掌者即以職掌分其文武不計本官帶
州縣職印申吏部帶軍職印申兵部吏部兵部騰
其詞而奏云得某使某曹
司某州府狀稱以元狀入按每使每司
每州各為一簿一所舉官吏在任日有行迹乖謬不
如舉狀及犯罪至徒以上者請兼坐舉主其所犯
自依常法
本條一人奪祿一年諸使無祿者准三品官
以料錢折納依時估計二人奪
賜無賜者照其色降紫從
緋降緋從綠降綠從緋三人奪階及爵有爵無階
有階無爵
者加奪四人解見任職事官已上
並追解之五人貶官節
度
觀察使降為刺史刺史
降為上佐皆以邊州
六人除名雖六人
以上有犯
賊罪至流以上者倍論之倍謂一人從
二人之法三人從
四人之法六

人之法罪 若舉用後續知過謬具狀申述及自按劾
 止三人 者請勿論此謂所知不審一所舉官有因奸納賂而
 舉者有親故非才而舉者有容受囑託而舉者有所
 知不善而故舉者有犯一科請皆以罔上論不在官
 贖限囑託舉者兩俱為首規求者為從評曰夫人生
 有欲無君乃亂君不獨理故建庶官昔有唐虞皆訪
 於衆則舜舉八元八凱四岳之舉夔龍稷契此蓋用
 人之大畧也降及三代擇於鄉庠然後授任其制漸
 備秦漢之道雖不師古問塾所推猶本乎行而郡國
 佐吏並自獎擢備嘗試劾乃登王朝內官有僚屬者
 亦得徵求俊彥暨于東漢初置選職推擇之制尚習

前規左雄議以限年其時不敢謬舉所以二漢號為
 多士魏晉設九品置中正蓋論閎閎罕考行能選曹
 之任益為崇重州郡之刺史太守內官之卿尹大夫
 咸吏部所署而辟召及鄉里之舉舊式不替永嘉之
 後天下幅裂三百餘祀方遂混同中間各承正號凡
 有九姓大抵不變魏晉之法皆亂多理少諒無足可
 稱夫文質相矯有知循環教化所由興喪是繫自魏
 三主俱好屬文晉宋齊梁風流彌扇體非典雅詞尚
 綺麗澆訛之弊極於有隋且三代以來憲章可舉唯
 稱漢室繼漢之盛莫若我唐惜乎當創業之初承文
 弊之極可謂遇其時矣羣公不議救弊以質而乃因

習尚文風教未淳慮由於此緬徵往昔論選舉者無
代無之或云官繁人困要省吏員或云等級太多患
在速進或云守宰之職所擇殊輕或云以言取人不
如求行是皆能知其失而莫能究所失之由何者按
秦法唯農與戰始得入官漢有孝悌力田賢良方正
之科乃時令徵辟而常歲郡國率二十萬口貢止一
人約計當時推薦天下纔過百數則考精擇審必獲
器能自茲厥後轉益煩廣我開元天寶之中一歲貢
舉凡有數千而門資武功藝術胥吏衆名雜且百戶
千途入爲仕者又不可勝記比於漢代且增數十百
倍安得不重設更職多置等級逆立選限以抑之乎

常情進趨共慕榮達升高自下由邇陟遐固宜驟歷
方至何暇淹留著績秦氏列郡四十兩漢郡國百餘
太守入作公卿郎官出宰縣邑便宜從事闕略其文
無所可否責以成効寄委斯重酬獎亦崇今之剖符
三百五十郡縣差降復爲八九邑之後又不得有之
利病不得專之八使十連舉動咨稟地卑禮薄勢下
任輕誠曰徒勞難階超擢容易而授理固然也始後
魏崔亮爲吏部尚書無間賢愚以停解日月爲斷時
沉滯者皆稱其能魏之失才實從亮始自隋文帝素
非學術盜有天下不欲權分罷州郡之辟廢鄉里之
舉內外一命悉歸吏曹纔廁班列皆由執政則執政

叅吏部之職吏部總州郡之權固徵體國推誠代天
理物之本意是故銓綜失叙受任多濫豈有萬里封
域九流叢湊掄材授職仰成吏曹以俄頃之周旋定
才行之優劣求無其失不亦謬歟爾後有司尊賢之
道先於文華辨論之方擇於書判靡然趨尚其流猥
雜所以閱經號為倒援徵詞同乎射覆置循資之格
立選數之制壓例示其定限平配絕其踰涯或糊名
考覈或十銓分掌苟濟其末不澄其源則吏部專總
是作程之弊者文詞取士是審才之末者書判文詞
之末也又凡為國之本資乎人昨人之利害繫乎官
政欲求其理在久其任欲久其任在少等級欲少等

級在精選擇欲精選擇在減名目俾士寡而農工商
衆始可以省吏員始可以安黎庶矣誠宜斟酌理亂
詳覽古今推仗至公矯正前失或許辟召或令薦延
舉有否臧論誅賞課績以考之升黜以勵之拯斯利
弊其効甚速實為大政可不務乎遂寧王氏曰士為
教大矣詩不云平濟濟多士六王以等但嘗崇其實
用汰其浮文士正患其不多也今此論欲俾士寡而
農工商衆吏員可省黎庶
可安因噎廢食不思其矣

杜氏通典卷第十八終
唐岐國公尚書右丞前領南節度使京兆杜佑君卿纂
明文林郎巡按廣東監察御史連江王德溢懋中校
奉議大夫廣東提督學校僉事秀水吳鵬萬里同校

杜氏通典卷第十九

唐岐國公尚書右丞前領南節度使京兆杜佑君卿纂

明文林郎巡按廣東監察御史連江王德溢懋中校

奉議大夫廣東提督學校僉事秀水吳鵬萬里同校

職官

官制總序

伏羲氏大以龍紀故為龍師名官

師長也龍化其官長故為龍師春官

為青龍夏官為赤龍秋官為白龍冬官為黑龍中官為黃龍張晏曰庖羲氏將與神龍負圖而至因以名

師與○共工氏以水紀故為水師水名共工氏以諸侯霸有九州

者以受水瑞○神農氏以火紀故為火師火名火德也故

為炎帝春官為大火夏官為鶉火秋官為西火冬官為北火中官為中火官也神農有火星之瑞因以名

為師與
官也
○黃帝雲師雲名黃帝受命有雲瑞故以雲

紅雲秋官為白雲冬官為黑雲中官為黃○少昊摯

之立也鳳鳥適至故鳥紀為鳥師而鳥名鳳鳥氏曆

正也鳳鳥知天時故玄鳥氏司分也玄鳥燕也以春

伯趙氏司至也伯趙伯勞也以夏青鳥氏司啓也青鳥

也以立春鳴立丹鳥氏司閉也丹鳥鶩雉也以立秋來

上四鳥皆屬祝鳩氏司徒也祝鳩鳩鳩也鳩鳩孝鳴鳩氏

司馬也鳴鳩王鳩也摯而有鳴鳩氏司空也鳴鳩鳴鳩

均故為司空平水爽鳩鷹也摯故鶡鳩

氏司事也鶡鳩音步交反似山鵲而小至春多聲五鳩

鳩民者也鳩聚也治民尚五雉為五正五雉雉有五種

方曰鵠雉南方曰翟雉北利器用正度量夷民者也

夷平九扈為九農正九種春扈鵠鵠夏扈竊玄秋扈

竊藍冬扈竊黃棘黃竊丹行扈喙宵扈噴噴桑扈

民事者也鵠音勃倫反喙○自顓頊以來不能紀遠

乃紀於近為民師而命以民事德不能致遠端始以

魯昭公之奔仲尼聞之曰吾聞之天子又有五行之

官是謂五官社稷五祀是尊是奉五官之君長能修

五行之神為春官木正曰勾芒正官長也兩木生勾

也夏官火正曰祝融祝融明貌也秋官金正曰蓐收

秋物推蓐而可冬官水正曰玄冥水陰而幽冥其中

官土正曰后土土為群物主故稱后也其祀勾龍

焉在家則祀中雷在野則祀社

唐堯之代命羲和欽若昊天曆象日月星辰敬授人

時重黎之後羲氏和氏世掌天也四時之官故堯命

日月所會曆象其分節敬記天時分命羲仲宅嵎夷

曰暘谷宅居也東表之地稱嵎夷一也羲仲居治東

方之寅賓出日平秩東作寅敬賓導秩序也歲起於

序東作之事以修農也申命羲叔宅南交申重也

夏與春交舉一隅以見平秩南訛敬致訛化也掌夏

方化育之事敬行其教以致分命和仲宅西曰昧谷

其功四時同之亦舉一隅則嵎夷東可知此居治西方之官掌秋天之政寅

則嵎夷東可知此居治西方之官掌秋天之政寅

饒納日平秩西成饒送也日出言導日出言送因事

成物甲命和叔宅朔方曰幽都平在朔易北稱朔亦

也入北稱幽南

總言羲和順昊天此允整百工庶績咸熙

分別仲叔各有所掌庶衆績功咸皆熙廣也言定四時成歲曆以

告時授事則能信治百官衆功皆廣勸其善揆四岳

者謂之四伯至其死分岳事置八伯皆王官唯驩魁共工放齊鯀四人而已餘四人無文

書傳云惟元祀巡狩四岳八伯堯始以羲和春夏秋冬者拜掌方岳之事是為四岳出則

後稍死分置八伯以鄉遂之吏主之四岳之外也畿內不置伯以鄉遂之吏主之四岳之外

揆之官者但堯初天官為稷至堯試舜天官之任謂之百揆舜又命禹為百揆皆天官也

牧侯伯外置州牧十二○虞舜有天下以伯空使宅百揆

禹代鯀為崇伯入為天子司空使宅百揆禹代鯀為崇伯入為天子司

百穀契作司徒敷五教布五常臯繇作士正

獄垂作共工利器用其百工職事伯益作虞春

木鳥獸虞春秩宗典三禮秩序宗尊也三

臣名夔典小教胥子弟以歌詩蹈之舞之教長

庸孝友和神人勉之龍作納言出納帝命納

之官聽下言納於上受蓋亦為六官以主天地四

也唯靈恩曰自顯項以來命用正重司天火正黎

延置天地四時之官命義和之後使復舊職而掌

地之事又分命義仲義叔和仲和叔使主四時為

卿之任及其志年舜攝百揆改地官為司徒秋官

士冬官為司空春官為秩宗故尚書曰廼命羲和

若昊天分命和仲和叔等使主四時之事又云百

不親五品不遜契為司徒敬敷五教地官之事出

冬官之職也伯夷為秩宗典朕三禮此春官之

也又周禮為天官禮記曰

名次猶承虞制天子有

十七元士八元士殷制天子建天官先六太曰太宰

宗太史太祝太士太卜典司六典典法也此蓋

天官太宗曰宗伯宗伯為春官制也周制太宰

太史以下屬焉太士以神位者天子之五官

司馬司空司士司寇典司五衆衆謂群臣也

馬司寇太宰司徒宗伯司馬天子之六府曰司土

水司草司器司貨典司六職府主藏六職之

司徒司上土均也司木山虞也司水川衡也司

子之六工曰土工金工石工木工獸工草工

才此亦殷時制也周制皆屬司空土工陶旒

才治鳧粟鍛桃也石工玉人磬人也木工輪輿牙
匠車梓也獸工函鮑鞞韋裘也唯草工職亡五官
蓋謂作崔葦之器鞞音其後反虜音方徃反

貝曰享

貢功也享獻也致其歲終之功於王謂之也太宰歲終則令百官府各正其治受其

聽其致事而五官之長曰伯禮九命作伯千里

內為王畿千里之外設方伯五國以為屬屬有長

國以為連連有帥三十國以為卒卒有正二百一

伯屬連卒州能聚也伯帥正亦長周皆曰牧八州八伯五十六正百六十八帥三百

十六長八百各以其屬屬於天子之老二人分天

以為左右曰二伯老謂公周成王既黜殷命參攷

官制為周禮以作天地四時之名謂之六卿改大

家宰太宗為春官宗伯司徒為地官司立天

掌邦心地官司馬為夏官司寇為秋官司空為冬官徒掌邦

馬掌邦政秋官司寇掌邦刑冬官司空掌邦事

皆總屬於冢宰故論語曰君薨百官總已以聽於冢

宰爾雅曰冢大也冢宰則太宰於百官無所不王

各有徒屬周於百事禮為禪讓相傳者亦不得各置官

但所以改者少非禪讓之世者變易必多以革人視

聽所以禪讓不改多者以禪讓道同人未為弊故不

改者多非禪讓之世須變人情故必多改故王歲終

者之興必有改官之禮此周禮所興之意也

天子齋戒受諫諫當有六卿以百官之成質於天子

質猶平也百官齋戒受質受平然後休老勞農饗食

平其計要成歲事斷計制國用自周衰官失而百職亂戰國並

爭各有變易○暨秦兼天下建皇帝之號五帝自以職不師古始罷侯置守太尉主五兵丞相總百揆又

置御史大夫以貳於相○漢初因循而不革隨時宜

也其後頗有所改孟康注漢書曰大司馬左右前後

丞相以下至六丞相以下至六○王莽篡立慕從古官而吏民弗安

亦多虐政遂以亂亡當更始之時官爵皆群小賈豎

都尉爛羊頭關內侯○光武中興務從節約并官省職費減億

計後漢建武六年詔曰百姓遭難戶口耗少而官吏

損十置廢丞相與御史大夫而以三司綜理衆務泊

于叔世事歸臺閣論道之官備員而已○魏與吳蜀

多依漢制益日氏繼及大抵畧同坐公啓事者皆三年方

得叙用其中多有好人令逍遙無事臣以為畧依左

遷法隨資裁減之亦足懲戒而官不失其用詔善之

又傳玄奏曰諸官有病滿三日不差元平又司

宜令去職優其禮秩既差復用

減費損吏士職員凡七百人時謂州郡縣半吏

吏不知省官省官不知省事省事不知清心昔蕭曹

相漢載其清靜此清心也漢文垂拱幾致刑措此省

事也光武并合吏員縣官國邑纒置十一此省官也

魏大和中遣王人四出城天下吏員正始中亦并合

郡縣此省吏也今必欲求之於本則宜以省事為先

設官分職委事責成量能授任思不出位若欲省官

切謂九寺可并於尚書蘭臺宜省付三府至東晉桓

溫又表曰愚謂門下三省秘書著作通可減半古以

九卿給事不專尚書今事歸內臺則九卿為虛設皆

爰及宋齊亦無改作宋時制新長吏以父母疾去官

去職御史中丞鄭鮮之上議曰所以為其制者蒞官

不久則奔競互生故杜其欲速之請以申考績之實

耳今父母之疾而加以罪名損義疾理莫此為大詔

從之於是自二品以上父母及為祖父母後者墳墓

崩毀及疾病故屬輒去並不禁錮又劉祗為中書郎

江夏王義恭領中書監服親不得相臨表解職也孝

武詔曰昔二王兩謝俱至崇禮自今三臺五省悉同

此例又詔曰方鎮所假禮白板郡縣年限依臺除食

一不給送官司有二臺五省之號三臺蓋兩漢舊名五省謂尚書中書

門下秘書郡縣有三歲為滿之期宋州郡縣居職以三週為小滿

梁武受終多遵齊舊然而定諸卿之位分配四時說

列卿置戎秩之官百有餘號武帝時置百二十四班

陳遵梁制不失舊物陳依梁制年未滿三十者不得

州迎主簿西曹左奏及嘗為挽郎得仕其諸郡唯正

王丹陽尹經迎得出身庶姓尹不得必有奇才異行

殊勳別降恩旨叙用者不在常例其相知表啓通舉

者每常有之亦因年考校黜陟之既不為此式所以

勤惰無辨比遷官無定期闕即補多更年互遷官未

必即進班秩其官唯論清濁從濁得微清即勝於轉

若有遷授或由別勅任移轉一人為官則即諸官多

須改動陳書曰舊式拜官皆在午後唯拜蔡景

度支尚書日駕幸玄武觀帝

恐景歷不得預宴特令早拜

初置官司分掌衆職以燕風為右長史然而其制草

創名稱垂踈皇始元年道武平并州女建臺

官封公侯將軍刺史太守尚書郎等官悉用文八天

與中太史言天文錯亂當改王易政故官號制革

武制官皆擬遠占雲鳥之義諸曹走使謂之鳥取

飛之迅疾也以伺察候官禁謂之白鷺取其延遠

視他皆至孝文太和中王肅來奔為制官品百

號皆准南朝改次職令以為求制凡守令以六年為

又作考格以之黜陟大和十八年詔曰古者三載考

便黜陟各令當司考其優劣為三等六品以下尚書

重問五品以上朕與公卿親論善惡上上者遷之下

下者黜之中又宣武帝行考陟之法任事上中者三

年升一階散官上第者四載登一級孝明以後授受

多濫自明帝孝昌以後天下多難刺史大中皆一屆當

部督雖無兵事並立佐僚所在頗為煩擾及東

晉書

二

魏靜帝時齊神武作相高隆之表請自非實在邊要
見有兵馬者悉皆斷之又時諸朝貴多假常侍以取
貂蟬之飾隆之自表解侍中并陳諸假侍服者請亦
罷之又自軍國多事冒竊官者不可勝數隆之奏請
檢括得五萬餘人而群
○北齊創業亦遵後魏臺省
小喧器隆之懼而止

位號多類江東以門下省掌獻納諫正中書省管司
容諷議中常侍省掌出入
後主臨御爵祿大馬御馬

門閣細史臺察糾彈劾
後主臨御爵祿大馬御馬

通有儀同郡公之號籍以海尉食物十餘種其宮婢
閹人商人胡人雜戶歌舞人見鬼人濫富貴者萬數

至末年太宰三師大司馬大將軍三公等
官並增員而授之或十或百不可稱數
○後周之

初據關中猶依魏制及平江陵之後別立憲章酌周
禮之文建六官之職其他官亦兼用秦漢他官謂將

史太守之類○隋文帝踐極百度伊始復廢周官還依漢
魏其於庶僚頗有損益凡官以四考而代又制凡官

聽並至煬帝初存稽古多復舊章百官不得計考增
執易灼然擢大業三年始行新令有三臺五省五監十二

衛十六府殿內尚書門下內史秘書五省也謂者司
五監也左右翊左右驍左右武左右屯左右禦左右

候十一二衛也左右備身左右監門等凡十六府也或
是舊名或是新置諸省及左右衛武于時天下繁富

候領軍監門府為內官其餘為外官
四方無虞衣冠文物為盛矣既而漸為不道百度方

亂號今日改官名月易圖籍散逸不能詳備○大唐
職員多因隋制雖小有變革而大較不異高祖制文

去者聽貞觀六年大省內官凡文武定員六百四十
有二而已顯慶元年初制拜三師三公親王尚書令

僕射並臨軒冊授太子少傅中書令諸曹尚書諸
御大將軍特進鎮軍輔國大將軍光祿大夫太子詹

御大將軍特進鎮軍輔國大將軍光祿大夫太子詹

御大將軍特進鎮軍輔國大將軍光祿大夫太子詹

御大將軍特進鎮軍輔國大將軍光祿大夫太子詹

御大將軍特進鎮軍輔國大將軍光祿大夫太子詹

御大將軍特進鎮軍輔國大將軍光祿大夫太子詹

御大將軍特進鎮軍輔國大將軍光祿大夫太子詹

御大將軍特進鎮軍輔國大將軍光祿大夫太子詹

事太常卿都督及上州刺史在京者朝堂受冊又制文武官五品以上者及病不因罪解者並聽同致仕

例龍朔二年又改京司及百官之名臺門下省為東

臺中書省為西臺咸亨元年復舊至于武太后再易

其餘官司悉改之庶官或從宜創號改尚書省為文昌臺門下省為鸞

臺及諸寺衛等名或參用古典改六尚書為天

又置控鶴府官員或參用古典地四時之官天授

二年凡舉人無賢不肖咸加擢拜大置試官以處之

試官蓋起此也階高而官卑者稱行階卑而官高者

稱守官階同者並無行守字太后務收物情其年二

月十道使舉人并州不其縣令王山耀等六十一人

並授拾遺補闕懷州錄事參軍崔獻可等一十四人

並授試御史并州錄事參軍徐所等二十四人並授

著作郎魏州內黃縣尉崔宣道等二十二二人並授

佐校書御史等故當時諺曰補闕連車載拾遺平手

量把推侍御史掾脫校于時擢人非次刑網方密

書郎試官自此始也

驟歷榮貴而敗輪繼軌神功元年制曰自今本色出

太史令音樂者不得過大樂鼓吹署令醫術者不得

過尚藥奉御陰陽卜筮者不得過太卜令解造食者

不得過司膳寺諸署令又制其有從勳官品子流外

國官參佐視品等出身者自今不得任京清顯要等

官若累階應至三品者不得進階每一階酬勳兩轉如先有上柱國者聽廻授期以上親必有異行奇才別立殊效者神龍初官復舊號凡武太后二年三月不拘此例又置員外官二千餘人國初舊有員外官至此大增

者亦千餘人中書令李嶠初自地官尚書貶通州刺史至是召拜吏部侍郎嶠志欲曲行私惠求名悅衆冀得重居祖位乃奏請大置員外官多引用勢家親識至是嶠又自覺銓衡失序官員倍多府庫由是成耗於是遂有員外年以外官其初但云員外至求徵六置仍同正員自是員外官復有同正員者其加同正員唯不給職田耳其祿俸賜與正官同單言員外者則俸祿減檢校試攝判知之官攝者言勅攝非州府正官之半板署之命檢校者云

檢校某官判官者云判某官事知者 逮乎景龍官紀

大紊復有斜封無坐處之誦與焉 景龍中有太平安

公主及皇后陸后妹鄰國夫人李氏妹崇國夫人并

昭容上官氏與其母沛國夫人鄭氏上官柴氏賀婁

氏女巫龍西夫人趙氏皆叙用親識亦多猥濫或出

自臧獲或由於屠販多因賂貨累居榮秩或能別於

側門降墨勅斜封以授焉故時人號為斜封官時

既政出多門遷除甚眾自宰相至於內外員外官及

左右臺御史多者則數踰十倍皆無廳事可以處之

故時人謂之三無坐處謂宰相御史及員外官也

先天以來始懲其弊 玄宗御極宰相姚元崇宋璟兼

時有殿中侍御史崔蒞太子中允薛昭諷帝曰先朝

所授斜封官恩命已布而姚元崇宋璟等沮先帝之

明歸怨陛下道路謗讟天下稱冤奈何與萬人為仇

敵恐有非常之變上以為然乃下詔曰諸緣斜封別

勅授官先令停任宜並量材叙用監察御史柳澤又

上疏極言不可其斜封官得免罪戾已沐恩私旬月

之內頻煩降旨前勅令至冬處分後勅又令 至開元

替又却停將何以止姦邪將何以懲風俗

二十五年刊定職次著為格令 此格皆武德貞觀之

之至開元二十五年再剛定焉至二十八年又省 蓋

文武六品以下官三百餘員及諸流外番官等

尚書省以統會眾務舉持繩目門下省以侍從獻替

規駁非宜中書省以獻納制冊敷揚宣勞秘書省以

監錄圖書殿中省以供脩膳服內侍省以承旨奉引

尚書門下中書秘書 御史臺以肅清僚庶九寺 太常

殿中內侍凡六省 鴻臚寺 五監 少府將作國子軍 以分

理群司六軍 左右羽林左右龍武 十六衛 左右衛左

右武左右威左右領軍左右金吾 以嚴其禁禦一詹

事府二春坊 左右千牛為十六衛 三寺 家令寺率更十

率 左右衛左右內侍凡十率府 俾又儲宮牧守督

護分臨畿服京府置牧餘府州設官以經之置使以
 緝之按察採訪等使以理州縣節度團練等使以督
 貨其餘細務因事置使者不可悉數其轉運以自六
 下諸使無適所治廢置不常故不別列於篇
 品以下率由選曹居官者以五歲為限於是百司具
 舉庶績咸理亦一代之制焉一歲為一考四考有替
 而罷六品以下吏部注擬謂之旨授五品以上則皆
 勅除自至德之後天下多難甄才錄劾制勅特拜繁
 於吏部於是兼試員外郎倍多正員至廣德以來乃
 立制限州縣員外兼試等官各有定額並云額內溢
 於限者不得視職其有身帶京官冗職資名清美兼
 州縣職者云占闕焉即如正員之例官以三考而代
 無替四考而罷由是官有常序焉

一要畧官數○官品○設
 三公○宰相○三
 二三老以下二大以上三四

傅太保○太宰○太尉○司徒○司空○大
 司馬大將軍○三師三公以下官屬

三宰相宰相并官屬○門下省侍中侍中侍郎侍郎
 給事中散騎常侍諫議大夫侍中令起

居補闕拾遺典儀城門郎符寶郎
 弘文館校書中書省中書令侍郎

舍人通事舍人集賢學士
 史官主書

四尚書上尚書省并總論尚書○錄尚書○尚書
 令僕射左右丞左右司郎中

員外郎附○歷代尚書八座附○歷代郎官
 歷代都事主事令史行臺省

五尚書下吏部尚書侍郎侍郎考功郎中員外郎
 同封司勳侍郎考功郎中員外郎員外郎

戶部尚書侍郎郎中員外郎禮部尚書侍郎
 倉部郎中員外郎禮部尚書度支侍郎

中郎員外郎兵部尚書侍郎主客郎中員外郎
 員外郎兵部尚書膳部郎中員外郎員外郎

外郎員外郎駕部郎中員外郎庫部郎中員外郎
 職方侍郎郎中員外郎員外郎庫部郎中員外郎員外郎

刑部尚書侍郎郎中員外郎工部尚書侍郎
 比部郎中員外郎工部尚書水部侍郎

中員

六御史

殿御史臺。御史。御史大夫。御史中丞。侍御史。主簿。協律。

七諸卿

上總論諸卿。博士。少卿。附。太常卿。奉禮郎。太醫。

郎。兩京郊社署。廩犧署。大樂署。汾祠署。鼓吹署。太公廟署。

良。光祿卿。掌醢署。主簿。衛尉卿。太官署。珍羞署。武。

庫署。武器署。守宮署。主簿。公車司馬令。崇玄署。諸。

陵署。典廐署。典牧署。太僕卿。車府署。主簿。諸牧監。乘黃。

大理卿。評事。正。丞。主簿。徵丞。

八諸卿

中鴻臚卿。丞。主簿。典客署。上林署。司儀。

太倉署。鈎盾署。溫泉。導官署。諸屯總監。搜粟都。

尉等官。諸市署。典農中郎。尉等官。左。太府卿。丞。常平。

署。著作郎。佐郎。丞。太史局令。丞。校書郎。正字。

丞。尚食局。尚輦局。尚藥局。尚衣局。尚舍局。

九諸卿

下內侍省。內侍。內常侍。掖庭局。內給事。宮闈。

局。奚官局。內僕局。內侍。伯。掖庭局。宮闈。

署。織染署。主簿。左。校署。右。校署。暴室等丞。甄官署。

中校署。東園主。章令。國子監。祭酒。太學博士。

業。丞。主簿。國子博士。助教。祭酒。太學博士。

學博士。廣文博士。四門博士。律學博士。主簿。書。

甲坊署。弩坊署。河渠署。丞。

十武官

上將軍總叙。左右武衛。左右衛。左右威衛。左右驍。

軍衛。左右金吾衛。左右監門衛。左右千。

牛衛。左右羽林衛。左右龍武軍。左右神。

十一武官下

大將軍并官屬。車騎將軍。衛將

軍。四鎮將軍。四安將軍。四征將軍。四平將軍。雜號將軍。四監軍。軍師祭酒。理曹掾屬附。三署郎。官叙。中郎將。折衝府。虎賁中郎將。四中郎將。雜中郎將。果毅別將附。三都尉。奉朝請附。奉車駙馬騎。

十二東宮官

太子賓客。太子庶

子。中舍人。舍人。通事。舍人。論德。贊善。崇文館學士。先馬。舍人。校書郎。正字。典膳郎。藥藏郎。內。直郎。典設郎。官門郎。太子家令。丞。主簿。食官署。典倉署。司藏署。太子率

更令。丞。主簿。太子僕。丞。主簿。庶。牧署。左右衛率府。副率以下官屬。左右

司禦率府。左右衛率府。左右監門率府。左右內率府。旅賁中郎將。太孫官屬。

十三王侯

叙。歷代王侯封爵。公主并官屬附

十四州郡上

司隸校尉。州牧刺史。總論州佐

都督。都從事。總管。典郡書佐。團練。祭酒從事。中。都護。節度。團練。都統等使附。

十五州郡下

京兆尹。左馮翊。右扶風。河南

郡丞。別駕。長史。司馬。錄事參軍。司功參軍。司倉參軍。司戶參軍。司兵參

軍。司法參軍。司士參軍。通守。參軍事。經學。博士。醫博士。中正。通守。五官掾。督

郵。郡尉。縣令。總論縣佐。丞。主簿。尉。五百。鄉官。鎮戍關市官。致仕官。

十六散官

文散官。開府儀同三司。特進。元

輔國將軍。鎮軍將軍以下。武散官。驃騎將軍。勳官。后妃。及內官命婦附。諸校尉。

十七

祿秩。幹衣。防閣。邑士。庶僕。親事

職。田公。廨田。致仕官。祿。

十八秩品一并命數。秦漢。後漢。虞。魏。夏。商。周。

十九秩品二齊。晉。宋。梁。

二十秩品三後魏。北齊。陳。

二十一秩品四後周。

二十二秩品五大唐。

職官一要畧。

官數 官品 設官沿革 封爵 三公

宰相 三老五更 祿秩

官數

唐六十員尚書云建官惟百鄭玄云虞官六十唐官未聞堯舜同道或皆六十并屬官而言則

皆有夏一百二十員尚書云夏商官倍則當殷二百

四十員明堂位二百鄭玄曰二百四十周六萬三千六百七十五員

內二千六百四十二人按禮記王制計之殷制同漢自丞相

至佐史凡十三萬二千八百八十五員哀帝時數兼諸後

漢七千五百六十七員 晉六千八百三十六員

宋六千一百七十二員 齊二千一百三員 後魏

七千七百六十四員 北齊二千三百二十二員並內

後周二千九百八十九員並內隋一萬二千五百七

十六員內官二千五百八十一外大唐一萬八千八

百五員內官二千六百二十一外郡

官品

周官九命 漢自中二千石至百石凡十六等 後

漢自中二千石至十石凡十三等 魏秩次多因漢

制更置九品 晉宋齊並因之 梁因之更置十八

班班多為貴 陳並因之 後魏置九品品各置從

凡十八品自四品以下每品分為上下階凡三十階

北齊並因之 後周制九命每命分為二以正為

上凡十八命 隋置九品品各有從自四品以下每

品分為上下凡三十階自太師始焉謂之流內流內自

此始焉煬帝除上下附雖又置視正二品至九品品

各有從自行臺尚書令始焉謂之視流內視流內自

此始大唐自流內以上並因隋制又置視正五品視

從七品以署薩寶及正祿謂之視流內又置勳品九

品自謂衛錄事及五省令史始焉謂之流外流外自

此始勳品自齊

設官沿革略舉崇著者其當部之官

黃帝六相堯有十為之輔相不必名官○少昊司徒

前漢嘗加大司馬項羽加大漢以後司空前漢加大

後漢又加大司寇後周有內司寇○唐羲和 羲仲

羲叔 和仲 和叔 州牧○虞太師 太保 納

言隋及大唐嘗 后稷 秩宗 士 共工 虞○

夏九卿○商太宰晉宋齊梁陳太宗太史太祝太士

太卜司士司土司木司水司革司器司貨太子太師

太子太保太子太傅太子少傅方伯○周太傅 少

師 少保 冢宰 後周宗伯 後周內史 秦置內史治京師如諸郡

守後周有內史中丞大夫隋改中書為內史 太僕正 至漢

僕梁為卿六唐嘗謂司 大將軍 自戰國時楚置前後左右將軍

置 秦太尉 左右丞相 丞相 後周末 相國侍中

本丞相史隋改為納言又改為侍內大 黃門侍郎 後

唐嘗為納言或為左相或為黃門監 散騎常侍 魏加侍郎又加員

侍郎又改為門下侍郎 尚書 謂之尚書四人 漢置五

人為僕射四人分曹後 尚書令 僕射 漢置左右大

漢為五曹至晉有六曹 政或為左右丞相武太 尚書丞 二人為左右丞大

后嘗為文昌左右丞相 嘗為御史大夫 大司憲武太后又 奉常

嘗為左 御史大夫 嘗改為肅政又分為左右 漢改曰太常後漢又為奉

漢改曰太常後改曰奉常又改為太常後漢又為奉 常自後為太常梁謂之卿大

卿 禮 郎中令 漢為光祿勳後漢嘗為郎中令魏為光 祿勳梁除勳字謂之卿大

卿又嘗為司 卿又為光祿卿 衛尉 之卿至大 唐嘗謂衛尉卿 宗正

漢嘗改為宗伯至大 唐嘗 治粟內史 漢改曰大農令 又改曰大司農

為司宗卿又嘗為司 卿後魏又加大 唐嘗為司 卿 主爵中尉 漢以

後漢末為大農魏為司 卿 風代 廷尉 二漢梁北齊為大理梁謂之卿徐代曰 典

之 漢改為大鴻臚又嘗同 大行至梁除大字謂之 典 客 卿大 唐為同文卿又嘗為司賓卿又為鴻臚卿 典

屬國少府 至梁謂之卿大 唐嘗為內府監 將作少府 漢改為大匠梁為大匠卿隋為將作大監又改為大

匠大 唐亦嘗為大匠又嘗為繕工監又嘗為管繕監 又為將 中尉 漢武更名 中書謁者令 僕射 至漢嘗以

魏為中書監令專掌機務隋為內史監令尋改為內 史又改為內書又為內史令大 唐復為中書令嘗為 丞相又為內史 詹事 大 唐嘗改為端尹又嘗改 中庶 又為紫微令 詹事 為官尹少詹事並為少尹 中庶

子庶子晉改庶子為左右中護太子家令太唐嘗

大率更令大唐嘗為左右中護僕大唐嘗為率內史理京師漢

置京兆尹左郡守漢時為太守後魏每部置三太守

馮翊代之右漢領尚書事至後漢為

公曹尚書常侍曹尚書主客公卿事後漢改為史曹

部魏為吏部宋嘗置兩員大唐嘗中書侍郎東晉嘗

改為同列太常伯又嘗為天官中書侍郎為通事

郎隋為內史侍郎又為內師侍郎大唐為御史中丞

後魏曰中尉大唐改治書侍光祿大夫優寵者則加

郎御史為之嘗為司憲大夫銀章青綬至

嘗置左右至隋為散官中散大夫王莽置大

太后卿長信少府太后以下卿以至皇太后卿長信

少府皇后卿大長秋隋有令大唐中常侍大唐為內

使自至宋嘗為水衡令梁曰大舟卿隋嘗為票騎後

都水監大唐嘗為司津監又嘗為水衡都尉馬騎漢

加大將軍游擊武散為衛車騎梁置伏波

騎材官輕車樓船橫海護軍至大唐度遼

貳師蒲類強弩戈船奮威建威積

射二十一將軍奉車騎駙馬三都尉至梁尚主司

隸校尉督察三輔隋有司隸大夫刺史刺舉郡縣

護京兆尹左馮翊右扶風特進大唐為諸

加官左右曹諸吏散騎○後漢賊曹尚書尚書侍郎

三十六人初稱尚書郎中滿歲稱尚書郎三歲稱侍

中隋初置三十六侍郎後置員外郎一人後又六曹

各置侍郎每曹有郎有員外郎大唐改曹郎為郎中

秘書監後又置令大唐嘗為蘭臺太武律右大唐為

秘書監史少監為侍郎又嘗為麟臺武律右大唐為

左右鷹 輔國晉加大宋改為輔 四征 四鎮 四安

揚衛 破虜等將軍 四中郎將 都督至晉時 河

虎牙 征虜 捕虜 橫野 鷹揚 討逆

南尹 留學 班同三司前文帝以宋昌為衛將軍 儀

同三司魏有開府儀同三司齊有開府儀同三司 又有

儀同三司後魏有儀同三司 又有開府儀同三司 又有

大將軍至隋為散官又有諸衛各置開府一人八座

○魏五兵尚書至後魏有七兵尚書隋曰兵部 大

部又為度支尚書吳有戶部晉以後改為度支又為戶部

祠部曹尚書至後魏有儀曹尚書後周有禮部隋置

為禮部殿中監秩甚卑隋曰殿內監大 中衛晉分為

將軍隋改為左右領軍尋改國領軍隋改為左右

衛大唐復為左右衛 中領軍右屯衛 大唐嘗為左右

戎衛又嘗為左右王鎮軍大將軍 游騎大唐並 四

平 鎮北 虎威 撫軍 凌江 寧朔等將軍 行

臺○晉三公尚書掌刑獄起部尚書有事即置 國

子祭酒准宋曰總明觀祭酒 大唐嘗 中軍 龍驤

寧遠大唐為 ○宋殿中將軍○齊都官尚書至隋改

大嘗為司刑太常伯又嘗為 ○梁太府卿大唐嘗

秋官又改為憲部又為刑部 ○定遠並 大

卿又嘗為 雲麾 中武 壯武 明威 定遠並 大

散 宇宙等大將軍始以太常等名卿分為四時凡十

二卿○後魏柱國至大唐 天柱二大將軍 諸少卿

○後周軍器○隋左右武侯府大將軍大唐為 左右

監門府將軍大唐改為衛 大總管通守左太 折衝府正

議通議朝議朝請朝散等大夫左右驍

衛府大唐除府字○大唐太子賓客漢之四皓非官左右千牛衛

左右屯營後改爲羽林左右威衛嘗改左右左右龍武

將軍中平章事知政事知機務同中書門下

三品平章軍國重事節度使採訪使宣威散

懷化歸德等將軍武散以授歸義蕃官

封爵

黃帝方制萬里爲萬國各百里○唐虞夏建國凡五

等曰公侯伯子男○殷公侯伯三等公百里侯七十里伯五十里

○周公侯伯子男五等公侯百里伯七十里子男五十里周公居攝

改制大其封公五百里侯四百里伯三百里○秦爵二十

等最高徹侯廼得食縣其次關內侯食租稅○漢國

王國侯亭侯三等王皆裂地侯以戶數爲等分人自此始漢初論功封列侯者凡百四

十三人食邑者除租每戶一歲更輸錢二百○後漢亦三等皇子封三其

侯雖寇鄧元○魏王公侯伯子男次縣侯次鄉侯次

亭侯次關內侯凡九等關內侯爲虛○晉亦有王公

侯伯子男又有開國郡公縣公郡侯縣侯伯子男及

鄉亭關內等侯凡十五等王大國二萬戶三軍兵五千次國一萬戶二軍兵三千

千下國五千戶一軍兵千五百其公之制如五千戶

國侯如不滿五千戶國並置一軍千人其伯子男並

以下各有○宋皆因晉制唯大小國皆三軍至孝建

官屬不得稱臣於○齊因之梁因前代定制諸王言

其主改稱下宮○齊因之梁因前代定制諸王言

寡人曰數下公侯言曰教境內稱之曰第下自稱皆曰

○陳有郡王嗣王藩王開國郡公開國縣公侯伯子男沐食侯鄉亭侯開國中關外侯凡十二等○後魏有王開國郡公散公侯散侯伯散伯子散子男散男凡十一等王食半公三分食一侯伯四分食一子男五分食一○北齊有王公侯伯子男六等○後周有公侯伯子男五等○隋有國王郡王國公郡公縣公侯伯子男凡九等○大唐並無其土加實封者乃給租庸自武德至天寶九等實封者百餘家自至德至大曆三年實封者二百六十五家

三公

夏商以前云天子無爵三公無官伊尹曰三公調陰陽○周以

太師太傅太保曰三公○漢以丞相大司馬御史大

夫為三公○後漢又以太尉司徒司空為三公天地災變

則皆策免自太尉徐防始焉靈帝就長安拜張溫為太尉三公在外自溫始也○魏晉宋齊

梁陳後魏北齊皆以太尉司徒司空為三公○後周

以太師太傅太保為三公司徒為卿○隋以太尉司徒司

空為三公○大唐因之

宰相

黃帝置六相○堯有十六相○殷湯有左右相○周

成王有左右相○秦悼武王始置左右丞相始皇又

始置相國○漢置丞相普置相國或左右丞相尋復

舊成帝改御史大夫為司空與大司馬丞相是為三

公皆宰相也哀帝改丞相為大司徒亦為宰相○後漢以太尉司徒司空為宰相獻帝復置丞相○魏改丞相為司徒而文帝復置中書監令並掌機密自是中書多為樞機之任亦宰相也又置大丞相及相國○晉惠帝改丞相為司徒尋復舊俱為宰相而中書監令常管機變亦是相也○宋齊梁陳並相因習或為丞相或為相國多非尋常人臣之職或掌機密或錄尚書或綜朝權或管朝政或為侍中或給事中或受顧命皆為宰相然侍中職任機密之司不必他名亦為宰相其有侍中兼外官若宋王弘侍中兼內官若沈演○後魏北齊亦置丞相俱為宰相尤重門下多官以侍中輔政亦宰相也○後周大冢宰亦其任也其後亦置

左右丞相○隋有內史納言是真宰相柳述為兵部尚書參軍機

密又楊素為右僕射與高穎專掌朝政○大唐侍中中書令為真宰相

中間嘗改為左右相他官參者無定員但加同中書

門下三品及平章事知政事知機務參與政事及平

章國重事之名者並為宰相亦漢行丞相事之例也

其同中書門下三品自貞觀中以兵部尚書李勣始

三老五更

禮天子父事三老兄事五更○後漢明帝以李躬為

三老桓榮為五更安帝以李充為三老靈帝以袁逢

為三老○魏高貴卿公以王祥為三老鄭小同為五

更○後魏孝文以尉元為三老游明根為五更○後

周武帝以于謹為三老

禄秩

周制自天子至下士凡六等諸侯國君十卿禄食二

百八鄉四大夫禄食二百八大夫倍上士食七十一

士倍中士食三十中士倍下士食十下士與庶人在

官者同命食九人庶人在官謂未命為士者次國小國同○漢制自中二千石

至百石凡十二等中二千石八月俸百斛二千石百二比

二千石百斛千石八十斛六百石七十斛比六百石六十斛四

百石五十斛比四百石四十斛三百石三十斛比三百石二十

斛二十斛二百石二十斛比二百石二十斛○後漢大

將軍三公俸各三百五十斛諸受俸皆半錢半穀

延平中定制中二千石月俸錢九千真二千石錢六

百米三斛比二千石錢五千米七十二斛千石錢四千米六十斛

錢三千五百斛四百石錢二千五百三百石錢二千米

二百石錢一千百石錢八百臘及立春更班賜有

差○宋制州郡秩俸多隨上所出無肯定准有父母

祖父母年登七十者並給見錢其郡縣田禄以芒種

為斷此前去官者則一年秩皆入○梁帝一品秩萬

石二品三品為中二千石四品五品秩為二千石○

後魏其禄每季一請諸宰人之官各隋近給公田刺

史十五頃太守十頃治中別駕各八頃縣令郡丞六

頃更代相付○北齊官秩一品每歲八百疋從一品

七百疋二品六百疋從二品五百疋三品四百疋從
三品三百疋四品二百四十疋從四品二百疋五品
一百六十疋從五品一百二十疋六品一百疋從六
品八十疋七品六十疋從七品四十疋八品三十六
疋從八品三十二疋九品二十八疋從九品二十四
疋執事官一品以下給公田各有差○後周制祿秩
下士一百二十五石中士以上至大夫各倍之上大
夫是爲四千石卿二分孤三分公四分各益其一公
因盈數爲一萬石其九秩一百二十石八秩至於七
秩每二秩六分而下各去其一二秩一秩俱爲四十
石○隋京官正一品祿九百石其下每以百石爲差

至正四品是爲三百石從四品二百五十石其每以
五十石爲差至正六品是爲一百石從六品九十石
以下每以十石爲差正從八品是爲五十石其給皆
以春秋二季刺史太守縣令則計戶而給祿各以戶
數爲九等之差二佐及郡守縣令京官給職分田一
品者給田五頃至五品則爲田三頃其下每品以五
十畝爲差至九品爲一頃外官亦各有職分田又給
公廨田以供○大唐定給祿之制京官正一品米七
錢六千從一品米六千正二品米五千石從二品米四
千石正三品米四千石從三品米三千石正四品米三
千石從四品米二千石正五品米一千六百石從五品
米一千石

米一百石正六品米一千一百石錢從六品米一千石正七品米八百石正八品米六百石正九品米五百石從九品米四百石從並同
 外官各降一等其幹力及防閑庶僕並別給內外文武官自一品以下並給職田京官諸司及郡縣又給公廨田並有

杜氏通典卷第十九終

杜氏通典卷第二十

職官之二老以下二大以上

三公總叙四輔二

太師太傅太保太宰

太尉司徒司空大司馬大將軍

三師三公以下屬

三老五更

三老五更者三代所尊也三老道成於三謂天地人

叔元老書稱無遺我黃河之言則罔所愆五者訓於五品更者更也五也長父更相代言其能以善道改更已也故三老五更皆取有道妻男女三具者為之鄭玄曰老更互言之耳有七人更知三從五事者也蔡邕曰更當為一八子父事三老兄事五更親袒割牲

執醬而饋執爵而酌三公設几九卿正履祝饌在前

祝饌在後饌音饌使百安車輓輪送迎至家天子獨

拜于屏其明日三老詣闕謝以其禮遇太尊故也○

後漢明帝以李躬為三老桓榮為五更躬榮皆以二千石祿養終

其安帝曾李充為三老靈帝又以袁逢為三老

賜以玉杖玉杖長九尺端以鳩為飾鳩者不鳴也○魏高貴

鄉公即位幸太學命王祥為三老祥字休徵鄭小同

為五更祥南面几杖以師道自居天子北面乞言陳

明王聖帝君臣政化之要以訓之聞者莫不砥礪○

後魏孝文養老於明堂以尉元為三老元字游明根

為五更明根字帝再拜三老肅拜鄭衆云但俯下手

音於志反即今之揖也給三老上公之祿五更元卿之祿○後

周武帝保定三年詔以太傅燕國公謹謹字為三老賜

延年杖帝幸太學以食之三老入門皇帝迎拜門屏

之間三老答拜有司設三老席於中楹南向太師晉

國公護升階設几於席三老升席南向憑几而坐大

司寇楚國公寧升階正鳥皇帝升立於斧扆之前四

面有司進饌皇帝跪設醬豆親自袒割三老食訖皇

帝又親跪授爵以醕有司徹訖皇帝北面立訪道三

老起立於席後皇帝曰猥當天下重任自惟不才不

知政治之要公其誨之三老答曰木受繩則正后從

諫則聖自古明王聖主皆虚心納諫以知得失天下

用安惟陛下念之云云三老言畢皇帝再拜受之三老

答拜禮成而出其餘歷代皆無

三公總叙四輔二大附

記曰虞夏商有師保有疑丞設四輔及三公尚書大

者天子必有四鄰前曰疑後曰丞左曰輔右曰弼天

子有問無以對責之疑有志而不志責之丞可正而

不正責之輔可揚而不揚責之弼其爵視卿其祿視

大國之君漢官儀曰倉頡作書自壞者謂之輔背私

者謂之公韓子曰背私不必備唯其人語使能也

口公鼎足三者三光也

也

其官小人處其位不如且闕故天子無爵三公無

官參職天子何官之稱天文三台以三公法焉

三台一作能伊尹曰三公調陰陽九卿通寒暑大夫知人事

列士去其私周成王作周官曰立太師太傅太保茲

惟三公論道經邦燮理陰陽

義者此惟三公之任佐王論

道以經緯國事和理陰陽

此三公名曰三孤孤特止言

甲於公尊於卿特置此三人

予一人副貳三公弘大道化敬信天

公也故不以一職為官名

為孤卿與六卿為九焉

民不禮於祭不誠不信太傅之責也古者周公職之天
 不敬於禮不端受業不敬言語不叙音聲不中進退升
 降不以禮仰周旋無以節此太保之責也古者燕
 召公職之天子燕業反其學左右之習詭其師益諸
 侯過大臣不知文雅之辭此少師之責也天子居處
 出入不以禮衣服冠帶不以義與奪不以節此少傅之
 責也天子居燕私安而易樂而耽飲食不時醉飽不
 節寢起早安無常玩好器弄無制此少保之職也
 故周禮建外朝之法左九棘孤卿大夫位焉群士在
 其後右九棘公侯伯子男位焉群吏在其後而三槐
 三公位焉州長衆庶在其後刺也槐懷也言懷來人於此欲與之三公一命衮若
 謀也群吏謂府史也州長鄉遂之官三公一命衮若
 有加則賜也不過九命三公八命矣復加一命則服
 則賜也非命服也虞夏之制天子有日月星辰之服春秋九
 辰禮曰諸公之服自衮冕而下如王之服春秋九

命作伯尊公曰宰言於海內無不宰統焉或說司馬
 主天司徒主人司空主土是為三公韓詩外傳曰故
 不節星辰失度災變非常則責之司馬君臣不正人
 道不和國多盜賊民怨其上則責之司徒山陵崩也
 川谷不通五穀不殖草漢初唯有太傅太尉後加
 木不茂則責之司空
 置太師太保大司徒大司空哀帝時議以漢舊無司
 司馬大司徒大司空史記曰公孫弘以春秋白衣為
 天子三公漢初因秦置丞相而弘為之則丞相為三
 公○王莽居攝置四輔官初王莽為左輔甄豐為右
 矣太師太傅國師國傅為四輔位上
 公大司馬大司徒大司空○後漢唯有太傅一
 人謂之上公及有太尉司徒司空光武初詔司徒司
 爵而無師保董卓盜為太尉公主天部太常衛司
 徒公主人部太僕鴻司空公主地部宗正少而分部

九卿漢制三公號稱萬石其俸月各三百五十斛風俗通云三公一歲共食萬石也蓋多以

九卿為之若天地災變則皆策免自太尉徐防始焉

後漢本制日食星流及大雨雹等災變者唯免太尉自徐防為太尉凡天地災變三公皆免至魏黃初二年始罷

漢制三公不與盜賊若領兵入見皆交戟

頸而前使虎賁執刀扶之也魏武為司空破張繡入觀天子亦行此制汗流洽背自此不復朝覲

也朝臣見三公皆拜天子御座即起在輿為下凡拜

公天子臨軒六百石以上悉會直事卿贊拜御史授

印綬公三讓然後受至安帝時三府任薄選舉誅賞

一由尚書其災責變咎則責免公台靈帝臨朝始遣

使者就長安拜張溫為太尉三公在外自溫始也至

獻帝建安十二年乃罷三公官魏初復置與後漢同

有太傅太尉然皆無事不與朝政高柔上疏云今公司徒司空

而置之三事不使知政非朝廷崇用初封司空崔林

大臣之義大臣獻可替否之謂也

為安陽亭侯三公封列侯自林始也林字德儒美松

已為荀悅所譏魏黃初二年又分三公戶邑封子弟

封三公其失同也

各一人為列侯末年增置太保○晉武帝即位之初

以安平王孚為太宰鄭冲為太傅王祥為太保義陽

王子初為太尉何曾為司徒荀顛為司空石苞為大

司馬陳騫為大將軍凡八公同時並置唯無丞相焉

時所謂八公同辰攀龍附翼者也遂以太傅太保為

上公論道經邦燮理陰陽無其人則闕蓋居者甚寡

諸公品第一食俸日五斛太康二年又給絹春百疋

秋二百疋綿二百斤元康元年給菜田十頃田騶十

人立夏以後不給田者食俸一年又給虎
貴二十人持班劍給朝車駕安車黑耳
其太尉司

徒司空自漢歷魏皆為三公及晉迄于江左相乘不

改上三公三公前代三公策拜皆設小會所以崇宰輔

之制也自魏末廢而不行至晉拜石鑒字林為左光

祿大夫開府領司徒始有詔令會遂以為常十六國

號受經於博士淳于岐岐病泓親省疾拜于床下自是公侯見師傳皆拜○宋皆有八公

之官而不言為八公也宋志曰三公黃閣前史無有義按禮記七辨與天子同公

侯大夫則異鄭玄注云士賤與君同不嫌也夫朱門洞齊當陽之正色也三公之與天子禮秩相亞故黃

其閣以示謙不敢斥天子○齊時三公唯有太傳○

梁有丞相太宰太傅太保大司馬大將軍太尉司徒

司空開國儀同三司等官諸公及從公開府者亦置

官屬○陳以丞相太宰太傅太保大司馬大將軍並

為贈官三公之制開黃閣廳事置鴟尾○後魏以太

師太傅太保謂之三師上公也大司馬大將軍謂之

二大大尉司徒司空謂之三公○北齊皆有三師二

大三公之官並置府其府三門當中門黃閣設內屏

三師二大置佐吏則同太尉府○後周置六卿之外

又改三師官謂之三公並置三孤以貳之少師少保而

以司徒為地官大司馬為夏官司空為冬官如姬周

之制無復太尉三師之號宣帝又置四輔官以大家

盛為大前疑蜀國公尉遲迥為大右弼中國公李穆為大左輔隋國公楊堅為大後丞○隋置

三師不主事不置府僚但與天子坐而論道置太尉

司徒司空以為三公參議國之大事依北齊置府僚
無其人則闕祭祀則太尉亞獻司徒奉俎司空行掃
除其位多曠攝行事尋省府僚佐置公則坐於尚書
都省朝之衆務總歸於臺閣矣煬帝即位廢三師官
○大唐復置三師以師範一人儀刑四海三公以經
邦論道燮理陰陽祭祀則與
隋制同並無其人則闕天寶以
前凡三師官雖有其位而無其人

三大大師

太師古官殷紂時箕子為之○周武王時太公成王
時周公並為太師周公薨畢公代之○秦及漢初並
無至平帝元始元年初置以孔光居焉金印紫綬位

在太傅上太保次太傅孔光為太師王莽為太傅光

師無朝賜靈壽杖黃門令為太師省中坐置凡六師
入省中坐用杖賜食漢東京又廢獻帝初董卓為太師卓誅又

廢○魏世不置○晉初置三上公以景帝諱師故置

太宰以代太師之名晉書曰惠帝大安元年以齊王

秩增三司蜀李雄僭號時范長生自西山乘素輿詣

○後魏北齊後周隋大唐皆有之天寶以前唯以其

復武護寶殺韋玄員張說
裴光庭而已護音憂縛反

太傅

太傅古官傳傳之德義也周成王時畢公為太傅○漢高后

元年初置太傅金印紫綬初用王陵後省八年復置

後省哀帝元壽二年復置位在三公上平帝以孔光

為之○後漢有太傅上公一人掌以善道無常職光

武以卓茂為之薨省明帝又以鄧禹為之鄧禹字仲

拜太傅進見東向又張禹字伯達遷太傅舍於宮中

大官進食五日一歸府朝見特贊與三公絕席章帝

以趙喜三世在位為國元老乃以為太傅和帝即位

幼弱以鄧禹有高位海內歸仁徵為太傅百官總已

以聽之恩寵之其後每帝初即位輒置太傅錄尚書

事薨則省胡廣注曰循古桓帝踐阼已加元服不復

置傅但令太尉胡廣司徒趙戒領尚書事至靈帝復

以陳蕃為太傅與廣參錄尚書事陳蕃志欲安夷闔

譏勝用頌厥身胡○魏初置太傅以鍾繇為之鍾繇

廣代之拱默而已○魏初置太傅以鍾繇為之字元

常遷太傅有疾時華歆亦以高年病朝見皆使

乘輦上殿就坐是後三公有疾遂以為故事○晉

太保

宋金章紫綬進賢三梁冠介幘絳朝服佩山玄玉○

梁後魏北齊後周及大唐皆有之

太保古官殷太甲時伊尹為太保○周成王時召公為

太保○漢平帝元始元年始用王莽為之○光武中

興省○魏初不置末年始置太保以鄭冲為之冲字

位在三公上○晉武初踐阼以王祥為太保進爵為

公加置七官之職太保所以訓護人主道以德義者

也汝南王亮為太宰錄尚書事與太保衛瓘對掌朝

政又衛瓘為太保以公就第置長史司馬從事中

通鑑卷三十一

七

太宰

太宰於殷為六太於周為六卿亦曰冢宰○周武時

周公始居之掌建邦之治○秦漢魏並不置平帝加

曰宰○晉初依周禮備置三公三公之職太師居首

以景帝名師故置太宰以代之而以安平獻王孚居

焉增掾屬十人蓋為太師之互名非周冢宰之任也

何曾為太宰朝會乘輿入朝劍履上殿如蕭何田千

秋鍾繇故事又安帝以太宰琅琊王德文不宜嬰拂

事務以汗論道之重可交冕之服綠蓋綬羽葆鼓吹

盤音民蓋綠也以綠為質蓋草名也出瑯琊平昌縣

似艾可染綬○宋大明中用江夏王義恭為之冠綬

因以為綬名服秩悉與太傅同至齊以為贈○梁初有之至陳又

以為贈有事則權兼之○後魏初無至孝莊時以太

尉上黨王天穆為之贈置佐吏○北齊無聞○後周

文帝又依周禮建六官遂置天官大冢宰卿一人掌

邦治以建邦之六典佐皇帝治邦國自隋而無

太尉

太尉秦官月令曰孟夏太尉贊雋傑自上○漢因之

應劭漢官謂太尉為周官非也鄭玄注月令亦曰秦

官尚書中候云爵為太尉束皙據非秦官以此追難

太尉官實司天虞舜作宰璿衡賦政當是據位以書

前職非虞之實事也太尉所職即舜所掌遂以周掌

追稱太尉乃中候之誤蓋非官之為謬康成淵博

自著中候哉及注禮而志舜位豈其實哉此是不廢

議於中候而正之於月令也廣徵之請未探碩意

金印紫綬掌武事漢文三年省景帝三年復置其尊

與丞相等丞相衛綰病免上議置丞相太尉籍福稅

田蚡曰上以將軍為丞相必讓寶嬰嬰為

通典卷三十一

相將軍必為太尉太尉相尊等耳又有讓賢名蚡從之皆如其謀蚡音扶粉切五年又省元

侍四年更名大司馬大司馬說在本篇○後漢建武二十七年

復舊名為太尉公母帝初即位多與太傅同錄尚書事

府門無闕論者云王莽以大司馬篡盜神器故貶其闕掌四方兵事功課

歲盡則奏其殿最而行賞罰凡郊祀之事常亞獻大

喪則告謚南郊凡國有大造大疑則與司徒司空通

而論之國有過事與三公通諫諍之靈帝末以劉虞

為大司馬而太尉如故自此則大司馬與太尉始並

置矣劉寵字祖榮遷太尉以日食免又初第五倫為

而倫為司空位在每朝見弘曲躬自半帝知其故遂置雲母屏風分隔其間由此以為故事又陳蕃拜

太尉臨朝歎曰黃憲若在不先魏亦有之王祥字

佩印綬後坐辟召非其人策罷魏亦有之王祥字

大尉司馬文王進爵為王祥與司徒何曾司空荀顛

並請王顛曰相王尊重今可相率而拜祥曰相國勢

位誠為尊貴然要是魏之宰相吾等魏之三公公王

相去一階而已班列大同安有天子三公可輕拜人

者耶損魏朝之美虧晉王之德君子愛人以禮吾不

為也及入何曾荀顛遂拜祥獨長揖文王謂祥曰今

日然後知君○晉太尉進賢三梁冠介幘絳朝服金

章紫綬佩山玄玉若郊廟冕服七旒玄衣纁裳七章

○宋制武冠山玄玉○齊制九旒○後魏初與大將

軍不並制正光之後亦皆置焉歷代唯後周無其餘

皆有悉為三公國有大司馬大司馬大司馬同

司徒司徒古官少皞祝鳩氏為司徒司徒主也堯時舜為司

徒○舜攝帝位命高為司徒○高玄孫之子曰微亦

為夏司徒○周時司徒為地官掌邦教鄭武公也父

子為周司徒善於其職○秦置丞相省司徒○漢初因之至哀

帝元壽二年罷丞相置大司徒○後漢大司徒主徒

衆教以禮義凡國有大疑大事與太尉同蔡質漢儀曰司徒府

與蒼龍關對厭於尊者不敢號府應劭曰此不然丞

相舊位在長安時有四出門隨時聽事明帝東京本

欲依之迫於太尉司空但為東西門建武二十七年

耳每國有大議天子車駕親幸其殿建武二十七年

去大為司徒公鄧禹為大司徒封侯年二十四靈帝

徒其拜日天子亦臨建安末為相國魏晉初元年改

為司徒華歆字子魚為司徒家無擔石之儲詔曰司

謂也詩賜歆及○晉司徒與丞相通職更置迭廢未

嘗並立至永嘉元年始兩置焉王衍為司徒東海王

越為丞相始兩置也

東壽為司徒仰理萬機俯澄邦教又王戎字濬仲為

司徒高選長吏西曹掾委任責成當得無為又蔡謨

字道明遷司徒謨固讓曰若我作司徒將為後世哂

義不敢拜詔數十下謨章表十餘上陳以疾篤帝臨

軒自旦至申而徵不至公卿以蔡公傲無人臣之禮

奏送謨廷尉謨率子弟請關樞願詔免為庶人謨每

嘆曰若使劉王喬得南渡司徒○宋制司徒金章紫

綬進賢三梁冠佩山玄玉掌治民事郊祀則省牲視

滌濯大喪安梓宮凡四方功課歲盡則奏其殿最而

行賞罰亦與丞相並置○齊司徒之府領天下州郡

名數戶口簿籍○梁罷丞相置司徒歷代皆有至後

周以司徒為地官謂之大司徒卿掌邦教職如周禮

○隋及大唐復為三公

司空

通典卷三十一

司空古官孔安國曰司空主穿土以居人○少皞鳴

鳩氏為司空○舜攝帝位以禹為司空周禮正義曰

百揆乃分司空之職為共工虞書曰垂作共工益作朕虞是也○尚玄孫之子曰冥

亦為夏司空○殷湯以咎單為司空○周禮司空為

冬官掌邦事凡營城起邑復溝洫脩墳防之事則議

其利建其功四方水土功課歲課歲盡則奏其殿最

而行賞罰凡國有大造大疑諫諍與太尉同○秦無

司空置御史大夫○漢初因之至成帝綏和元年始

更名御史大夫曰大司空初改為司空議者又以縣

大司空亦所以別小大之文也金印紫綬祿比丞相哀帝建平二年

復為御史大夫元壽二年復為大司空何武字巨卿

毋不篤詔以其舉措煩碎不合衆心孝聲不聞惡名

流行其上大司空印綬遂策免之又彭宣字子佩為

大司空而王莽為大司馬專權宣上書曰三公鼎足

承君一足不任則覆亂矣臣老病願上印綬

後漢初為大司空建武二十七年去大為司空公第

倫字伯魚為司空奉公不撓言議果決以貞白稱又

張敏字伯達為司空行大射禮陪位頓仆策免又陳

寵為司空府故事以計吏至時字以不督屬籍不通

賓客以防交關寵去籍通客以明無所不受論者大

之薛氏家傳曰荀爽字慈明董卓秉政徵之起獻帝

巖穴九十五日而為司空時號為白衣登三公獻帝

建安十三年又罷司空置御史大夫御史大夫郗慮

免不復補荀綽百官志曰獻帝置御史○魏初又置

司空冠綬及郊廟之服與太尉同鄭袤字林叔為司

第拜授袤謂使曰魏以徐景山為司空徐公曰宋

三公上應天心苟非其人實傷和氣固辭見許制進賢三梁冠佩山玄玉掌治水土祠祀掌掃除樂

器大喪掌將校復土歷代皆有之至後周為冬官謂

之大司空卿掌邦事以五材九範之徒佐皇帝富邦國大祭祀行洒掃廟社四望則奉豕牲

○隋及大唐復為三公天寶十三年策拜揚國忠為司空其日而止

大司馬

大司馬古官也掌武事司主也○少皞有鳴鳩氏為

司馬音○堯時棄為后稷兼掌司馬周時司馬為

夏官掌邦政○項羽以曹咎周殷並為大司馬楚大

景舍師軍伐蔡蔡侯奉社稷而歸之楚發其賞舍辭曰發誠布令而敵退是王威也相攻而敵退是將威也戰而敵退是衆威也臣不宜以衆威受賞又司馬穰苴本姓田齊威王以古司馬法而附穰苴因號為

司馬穰苴○漢初不置武帝元狩四年初罷太尉置大司

馬以冠將軍之號冠者加於其上為一官也霍光以大司馬大將軍輔政武帝又令大

將軍驃騎將軍皆有大司馬之號宣帝地節三年置大司馬不冠將

軍亦無印綬官屬霍禹為大司馬成帝綬和元年初

賜大司馬金印紫綬置官屬祿比丞相去將軍哀帝

建平二年復去大司馬印綬官屬冠軍如故元壽二

年復賜大司馬印綬置官屬去將軍位在司徒上漢律丞相

大司馬大將軍始置大司馬議者以漢有軍候千人俸錢月六萬

司馬官故加大王莽居攝以漢乃無少司徒而定司

馬司空之號並加大○後漢光武建武二十七年省

大司馬以太尉代之故建武常與太尉並列漢

為大司馬至靈帝末始置焉○魏文帝黃初二年復

封舞陽侯置大司馬以曹仁居之而太尉如故則太尉大司馬

置大司馬以曹仁居之而太尉如故則太尉大司馬

大將軍各自為官位在三司上其有左右○晉定令

亦在三司上晉諸公贊曰義陽王為太尉大司馬時

之有也又及南王亮為大司馬正旦大會服金章紫綬佩山玄玉與大將軍同○宋時唯元嘉

中用彭城王義康為之冠王與晉同○至齊以為贈

○梁時置官屬○陳以為贈○後魏北齊與大將軍

為二大位居三師之下三公之上○後周以為夏官

謂之大司馬卿掌邦政以建邦國之九法佐皇帝平

姓自隋而無

總叙三師三公以下官屬

三師太師太傅太保一太宰自周以後亦常有之餘

五太三公太尉司徒司空二大大司馬大將軍諸位從

則無三公空歷代有之二大歷代亦有之諸位從

公諸將軍及光祿大夫開官屬等歷代有置有省亦

各其大本府但依時代者言○漢有三師而不見官屬

以丞相為公置司直長史後改丞相為司徒則曰司

徒司直長史具宰相篇其太尉後改為大司馬綬和初始

置長史一人掾二十四人御屬一人令史二十四人

改御史大夫為大司空置長史加中丞具御史大夫篇○後

漢初唯置太傅有長史一人掾屬十人御屬一人不知

何後置太師董卓嘗居之蓋自為也而不見官屬太

尉屬官有長史一人署諸曹事盧植禮注曰掾史屬

二十四人分主二千石長史遷除民戶祠祀農桑奏

議辭訟郵驛轉運盜賊罪法兵貨幣鹽鐵

倉穀黃閣主簿省錄衆事掌記室令史掌上章奏

等事軍國書檄皆所作記室御屬閣下威儀司徒屬官有長

史一人掾屬三十一人令史及御屬三十六人正曰

曰史陳寵辟司徒鮑昱府是時三府掾屬專尚交遊

以不肯親事為高寵獨勤心物務轉為辭曹專掌天

下獄訟時司徒辭訟凡七卷決事科條皆以事相從

輕寵為昱撰辭訟司空屬官長史一人掾屬二十九人

奏上之其後公令史及御屬二十二正曰掾屬漢書注云公

府奉以為法大司馬屬官並同前漢魏置太傅太保而不見官屬

太尉司徒司空有長史司馬從事中郎正行參軍大

司馬亦有正行參軍也晉有太宰太傅太保楊駿

為太傅增祭酒為四人掾屬二十人兵曹為左右也

楊駿輔政引潘岳為太傅主簿初譙人公孫宏客於

河陽岳待之甚厚及駿誅宏為楚王璋長史凡駿網

紀皆從坐司署主簿也太宰太保官屬不見

太尉司徒司空並有長史司馬太尉雖不加兵者吏

屬皆絳服太始三年又置太尉軍參軍六人騎司馬

五人官騎十人而司徒加置左長史掌差次九品銓

衡人倫冠綬與丞相長史同主簿左右東西曹掾各

一人若有所循行者增置掾屬十人武帝時司徒奏

賞罰之制宜遣掾屬循行詔遂使司徒督察州郡播

殖若有所循行者增掾屬十人又温嶠請司徒置田

勸課農桑文官主吏不待兵及吏屬絳衣自以非是舊典皆令

卓服論者美其謙而識禮司空府加置導濤掾一人
餘畧同後咸寧初詔以前太尉府為大司馬府
增置祭酒二人帳下司馬官騎大車鼓吹左右光祿
光祿三大士開府者皆為位從公品秩俸賜儀制與
諸公同加兵者增置司馬一人從事中郎二人劉琨
馬以盧為主簿記室督各一人舍人四人兵鎧士
從事中郎為曹營軍刺姦帳下都督外都督令史各一人主簿以
以上皆司馬給吏卒如長史從事中郎給侍二人主
簿記室都督各給侍一人其餘臨時增崇者則褒加
各因其時為節文不為定制其祭酒掾屬白蓋小車
輿車各一乘自祭酒以下其為持節都督者增參軍
令史以上皆卑零駐朝服

為六人其餘如常加兵公制孫楚字子荆為佐著作
既負其才氣頗侮易也初至揖曰天子命我參卿軍
事初參軍不敬伯主楚既輕苞遂制施敬自楚始也
○宋有太傅太保太宰太尉司徒司空大司馬諸府
皆有長史一人將軍一人又各置司馬一人而太傅
不置長史掾屬亦與後漢畧同自江左以來諸公置
長史倉曹掾戶曹屬東西閣祭酒各一人主簿舍人
二人御屬二人令史無定員領兵者置司馬一人從
事中郎二人參軍無定員加崇者置左右長史司馬
從事中郎四人掾屬四人則倉曹增置屬戶曹置掾
加崇極於此也其司徒府若無公唯省舍人其府常
置其職僚異於餘府有左右長史東西曹掾屬餘則

司矣餘府有公即置無則省○齊有太宰太司馬並
無增官無僚屬太尉司徒司空是為三公特進位從
公諸開府儀同三司位從公開府儀同如公凡公督
府置佐長史司馬各一人諮議參軍二人諸曹有錄
事功曹記室戶曹倉曹中直兵外兵騎兵長流賊曹城
局法曹田曹水曹鎧曹集曹右戶十八曹局曹以上
署正參軍法曹以下署行參軍各一人其行參軍無
署者為兼員其公府佐吏則從事中郎二人倉曹掾
戶曹屬東西閣祭酒各一人主簿舍人御屬二人加
崇者則左右長史四中郎掾屬並增數其未及開府
則置亦有佐吏其數有省小府無長流置禁防參軍

初晉令公府長史著朝服自宋大明以來著朱衣

倫為司徒左長史請依晉令復舊制不著朱衣時議

不計人曰王秀之常云位至司徒左長史可以知止

足矣又陸慧曉為司徒右長史謝朓為公府左長史

竟陵王子良謂王融曰我府二上佐前代誰可比融

曰兩賢同侍未有○梁武受命之初言王多同宋齊

前例臚滂佩反之舊有丞相太宰太傅太保大司馬太尉司徒司空

開府儀同三司等官諸公及位從公開府者置官屬

有長史司馬諮議參軍掾屬從事中郎記室建安王

表求管記乃以江革為征北記室參軍革弟觀又為

參軍兼記室任昉曰文房之任總卿兄弟故歷代皆
為文士之主簿列曹參軍行參軍舍人等官其司徒
則有左右二長史褚球字仲實為司徒右長史又增
置左西掾一人其餘僚佐同於二府有公則置無則

省而司徒無公唯省舍人餘官常置開府儀同三司
位次三公左右光祿大夫優者則加之曰三公置官
屬○陳三師二大並為贈官而無僚屬其三公有府
長史司馬諮議參軍從事中郎掾曹屬主簿祭酒錄
事記室正參軍板正參軍○後魏三師無官屬後又
置太宰以元天穆為之增置佐史三公及二大並有
長史司馬諮議參軍從事中郎掾屬主簿錄事參軍
功曹記室戶曹中兵等參軍諸曹行參軍祭酒參軍
事長兼行參軍都護其太尉司徒與二大屬官階○
北齊三師二大三公各置長史司馬諮議參軍從事
中郎掾屬主簿錄事功曹記室戶曹舍曹中兵騎兵

長流城兵刑獄等參軍事東西閣祭酒及參軍事法

墨田水鎧集士等曹行參軍督護等員司徒則加長

史主司馬將舍人主皆自秦官也從事中郎從事

漢末官也陳湯為大將軍王鳳從事掾屬主簿主

祭酒所主亦同今史主諸曹此皆自漢官也陳湯與

王鳳從事也御屬參軍自後漢也孫堅參驃騎軍事是

同其儀同三司如開府者亦置長史以下官屬而減

記室倉城屬田水鎧士等七曹各一人其品亦下三

三師二大佐吏○後周以太師太傅太保為三公而

不見寮屬○隋三師亦不見官屬而三公依北齊置

府僚後省府及僚佐置公則坐於尚書都省朝之衆

務通歸於臺閣○大唐三師三公並無官屬

不原春臺○前三師亦不原官屬而三公亦不齊置

三師二大相也○外閣公太相太尉太尉為三公而

皆空舍其臺田水監丞皆以曹各一人其品亦不三

同其類同三師收開原香亦置長史以不官屬而太

中相與事唯詔軍軍自封禁也

王鳳與事唯詔軍軍自封禁也

中相與事唯詔軍軍自封禁也

中相與事唯詔軍軍自封禁也

中相與事唯詔軍軍自封禁也

中相與事唯詔軍軍自封禁也

中相與事唯詔軍軍自封禁也

中相與事唯詔軍軍自封禁也

中相與事唯詔軍軍自封禁也

中相與事唯詔軍軍自封禁也

中相與事唯詔軍軍自封禁也

中相與事唯詔軍軍自封禁也

中相與事唯詔軍軍自封禁也

中相與事唯詔軍軍自封禁也

中相與事唯詔軍軍自封禁也

中相與事唯詔軍軍自封禁也

中相與事唯詔軍軍自封禁也

中相與事唯詔軍軍自封禁也



魏氏通典卷第三十終

東閣祭酒又祭軍

